



# ახალი ბუნათელეს

№14 (448) გამოდის 1998 წლიდან



ლია წერილი

ქ-ნ ლუჩუბელიძეს

გვერდი 3

**შეესაგაგება თუ არა  
2009 წლის ერთიანი  
ეროვნული  
გამოცდებისთვის  
შეღებნილი ახალი  
საგამოცდო პროგრამა  
გათემატიკაში  
ეროვნულ სასწავლო  
გეგმასა და სასკოლო  
სახელმძღვანელოებს?**  
გვერდი 3

**„აიონერფილი“ - 50  
გვერდი 6-7**

**ჭრბაძე:** „რეკამს დიდებულნი მოწაფენი საბანკოსა მას სერობისასა განათლებოდეს, მაშინ უსჯულოთა უდა კეცხლის მოყვარებისა სენითა დაბნელებოდა, და უსჯულოთა მსაჯულთა შენ, ძარბაღსა მსაჯულსა, მიგტყდა. იხილეთ, მოწიშქუნენო, ცრფიალი იგი კეცხლისა, რომელმან მისთვის შიმთვილია, ივლტადე უძღებისა მისგან სულისა, რომელმან მოძღვარსა თესსა ზედა ესე ვითარი იკადრა, არაქდ რომელმან ყოველივე სიბზნით განაგე, კაცთმოყვარე, დიდება შენდა“.

**კინდაკი:** „მიიღო ბუნი ხელთა შინა განმცქეკლმან უდა ხელთაგან დაძბა-ღებელისათა, რომელმან ხელთა შექქნა აღაძი, და ძეჩქე განძარცნა, და მიიღო ფასი მოძღვრისა და ღვთისა მზაკვარმან, და არა შეიგნა, არაქდ კო უკურნებულად“.

## ჰერეთელი მოსწავლეების ქართული კონტურები – ის, რას ყველაზე ახლობელია



„ეს ლამაზი ხე, ეს მაღალი მთა, ეს მინა-წყალი, ეს არის მხოლოდ ჩემი სამშობლო სხვა არაფერი. თუ დამაფიქრებს სიო მთიდან გადმონაქროლი, ეს არის მხოლოდ ჩემი ოცნება, სხვა არაფერი“

– ამ ოცნებით ჩამოსული ინგილოელი მოსწავლეები 14 აპრილს, დედაენის დღეს, ივანე ჯავახიშვილის სახელობის თბილისის სახელმწიფო უნივერსიტეტში, დიასპორის საკითხებში საქართველოს სახელმწიფო მინისტრის აპარატმა დააჯილდოვა. საჩუქარი სოლიდური იყო, გამარჯვებულმა მოსწავლეებმა პერსონალური კომპიუტერები მიიღეს. ჰერეთელი მოსწავლეებისათვის ჯილდო მართლაც დამსახურებული იყო. დაჯილდოებამდე კი დიასპორის საკითხებში საქართველოს სახელმწიფო მინისტრის აპარატის ინიციატივით, ბელა-

ქანის, ზაქათაღისა და კახის რაიონების თორმეტ ქართულენოვან სკოლაში ლიტერატურული კონკურსი ჩატარდა. კონკურსში VI-XI კლასების მოსწავლეები მონაწილეობდნენ. გამოვლინდნენ საუკეთესო ქართული ლექსის, მოთხრობის, თავისუფალი თემისა და სხვა სახის ლიტერატურული ნაწარმოებების ავტორები. უნივერსიტეტში თითოეულმა სკოლამ საკუთარი გამარჯვებული წარმოადგინა.

პროექტის მიზანი, საინგილოს ქართულენოვან სკოლებში მშობლიური ენის უკეთ შესწავლის წახალისება, მოსწავლეების შემოქმედებითი უნარ-ჩვევების გამოვლენა, ინგილო ბავშვების მშობლიურ ლიტერატურასთან და ეროვნულ გარემოსთან დაახლოება იყო. უნივერსიტეტში გამართულმა ღონისძიებამ პროექტის მიზნის წარმატებით მიღწევაში დაგვარწმუნა.

გვერდი 2

# ჰერეთელი მოსწავლეების ქართული კონტურები - ის, რას ყველაზე ახლოხელია

## პირველი გვერდიდან

„ჰერეთის დღეები“ საქართველოში განსაკუთრებით მნიშვნელოვანი და საინტერესო სტუმრებისათვის აღმოჩნდა, ინგილოლ მოსწავლეებს საშუალება მიეცათ, თავიანთი ემოციები ქართველი საზოგადოებისათვის პირისპირ, სევდამეპარული ლექსებით გადმოეცათ. ამ დღეს, როგორც ბავშვებმა გვითხრეს, ყველაზე ბედნიერები იყვნენ. ეს სამშობლოს სიყვარულით გამონელებული ბედნიერება იყო, ისინი ხომ მორიდან, ეფერებიან ქართულ სიტყვას, ქართულ კულტურას, ჩვენს წარსულს და ოცნებობენ, მომავალი სამუდამოდ მას დაუკავშირონ. ამ ოცნებას კახის ინტერნაციონალური სკოლის მეექვსე კლასის მოსწავლე **სოფიკო ნურთყვილი** ასე გადმოგვცემს თავის ლექსში:

„ირემ რად უყვარს მთა-ბარი, განა ეს საკითხავია? რად მიყვარს ჩემი სამშობლო, განა ეს ვასაკვირია. სამშობლოს მთაზე ავსულვარ და მინახია მთა-ბარი, უსასრულო და ლამაზი, მუდამ მწვანე და ხალასი. იქით მთა, აქეთ ქურმუხი საყდარი ჩაფიქრებული. წმინდა გიორგის მადლითა სიცოცხლე საამური. პატარა კახო კაკლის ხეივანი, მე თქვენთვის ვცოცხლობ მთებო კახისა, არ დამიკარგავს რწმენა-იმედი, ალბათ ოდესმე ერთად ვიქნებით.“

ეს მართლაც საინტერესო ინციტიატოვა - ასე შეავსა პროექტი თსუ-ს რექტორმა, **გიორგი ხუბუამ**, მან სიტყვით მიმართა ინგილოელ მოსწავლეებს: „გილოცავთ დედა ენის დღეს და ძალიან მიხარია, რომ დღეს უნივერსიტეტში სტუმრად გვეყავს ახალგაზრდობა ჰერეთიდან. ამისთვის მადლობას ვუხდით დიასპორის საკითხებში სახელმწიფო მინისტრის აპარატს, სწორედ მათი ორგანიზებით ტარდება ეს ღონისძიება. დარწმუნებული ვარ, დღეს ჩვენთან სტუმრად ჩამოსული მოსწავლეებიდან ბევრი ჩვენი სტუდენტი გახდება. ამ ახალგაზრდობისთვის ძალიან მნიშვნელოვანია ქართული ენა, რადგანაც ასე მეტყველებენ ქართულად. ამას კი ძალიან უნდა გავუფრთხილდეთ და პატივი ვცეთ, ხელი შევუწყოთ და ვიზრუნოთ ქართული ენის სწავლების გაუმჯობესებაზე, რადგან ისინი ქართული სამყაროს განუყოფელი ნაწილი არიან. ვფიქრობ, ორ მეზობელ სახელმწიფოს, ამ მხრივ, არანაირი პრობლემა არ აქვს.

მართლაც მნიშვნელოვანია, კარგად ვიმეტყველოთ ქართულ ენაზე, მით უფრო საინგილოში მცხოვრები ქართველებისთვის. ქართული ენის კარგად ცოდნა ნიშნავს, რომ ჩვენ კარგად ვიცნობთ ქართულ სამყაროს, რადგანაც ქართული კულტურა, მთელი ჩვენი ქართული ცნობიერება მხოლოდ ენაში და ენის მეშვეობით არსებობს. ამიტომაც გვინდა გავუფრთხილდეთ თქვენს გამორჩეულ სიყვარულს და ინტერესს ქართული ენისადმი. ვისურვებდი, მომავალში ბევრი თქვენგანი ჩვენი უნივერსიტეტის სტუდენტად მეხილოს. საინგილოს ქართველებთან ურთიერთობა, ბუნებრივია, ჩვენი ძალიან მნიშვნელოვანია. განსაკუთრებით მნიშვნელოვანია ამ მიმართულებით სახელმწიფო პოლიტიკა, ამიტომაც დიდი მადლობა მინდა გადავუხადო ბატონ მერაბს ასეთი სწორი აქცენტებისათვის დიასპორის საკითხებში. უნივერსიტეტში ჩვენი შეხვედრაც, ალბათ, სიმბოლურია. მოგეხსენებათ, როცა ქართულ ენას ძალიან უჭირდა, 1978 წელს, როცა ძალიან ძნელი იყო, ზოგადად, მართალი სიტყვის თქმა, დაიწყო მოძრაობა ქართული ენის დასაცავად, სწორედ ჩვენი უნივერსიტეტიდან - ჩვენი სტუდენტობა და პროფესორა იყო ამ პროცესებში სერიოზულად ჩართული. ამაში ვასაკვირვებ არაფერია, რადგან ენა არასოდეს ყოფილა ქართველებისთვის მხოლოდ კომუნიკაციის საშუალება, ენა ჩვენი ყოველთვის ქართული იდენტურობის განმსაზღვრელი მთავარი ელემენტი იყო, ამიტომ რეაქციაც შესაბამისად მწვავე იყო. მინდა სიამაყით ვთქვა, რომ დღევანდელი ღონისძიება თქვენ მიერ მიღებული დიდი წარმატების დაგვირგვინება და კაცი, რომელიც მშობლიურ ენას უფრთხილდება, ბუნებრივია, პატრიოტიცაა. ენაში თუ წარმატებული ხარ, მაშასადამე, ყველაფერში წარმატებული იქნები. ამ წარმატებების მიღწევაში კი განსაკუთრებულ მადლობას ამ ბავშვების მასწავლებლები იმსახურებენ. ორმაგად დასაფასებელია, საქართველოს საზღვრებს გარეთ ასე რომ უფრთხილდებით კავშირს ქართულ კულტურულ სივრცესთან, იმ სამყაროსთან, რასაც, ზოგადად, ქართველობა, ქართული ცივილიზაცია ჰქვია. საქართველოს სახელმწიფოს მხრიდან თქვენ ნამდვილად იმსახურებთ მხარდაჭერას.

თქვენი პატრიოტული განწყობა მართლაც გადამდებია, ამავდროულად, თქვენს ლექსებში იგრძნობა სევდაც, რომელიც არამც და არამც არ არის დამთრგუნველი. სასიამოვნოა, რომ თქვენი ლექსიკა ასეთი მდიდარია, რაც მთავარია, თქვენს შემოქმედებაში იგრძნობა

გულწრფელობა. მერნუნეთ, ბევრი სტუდენტი საინგილოდან ქართულად თქვენსავით გამართულად ვერ მეტყველებდა, არა თუ ლექსებს წერდა. დარწმუნებული ვარ, თქვენ ქართულ ენას სწავლობთ არა ნიშნებისთვის, არამედ სიყვარულისა და ინტერესის გამო, რაც ყველაზე მეტად დასაფასებელია. ეს გვაკლდელებს ქართულ მხარეს, რომ თქვენ მიმართ მეტი ყურადღება გამოვიჩინოთ. ვისურვებდი, ასე გამორჩეულად კარგი ახალგაზრდები ჩვენს უნივერსიტეტში მოვიდნენ სასწავლებლად. ვისურვებდით ასეთი ოპტიმისტური განწყობა და შემართება, როგორიც დღეს თქვენი შემოქმედებით მოიტანეთ, მომავალშიც არ გავნელებოდეთ.“

**მერაბ ჩუხუა**, დიასპორის საკითხებში საქართველოს სახელმწიფო მინისტრის მოადგილე: „ეს ღონისძიება წელს პირველად ტარდება და გარწმუნებთ, რომ ყოველწლიური გაგრძელება ექნება, თანაც ასეთი კონკურსები წელიწადში ორჯერ ჩატარდება. საინგილოს სკოლებში გამოაღებენ ქართული სიტყვის პატარა დიდოსტატებს, რომლებსაც შემდგომ ჩვენ დაავალიდოვებთ, ეს მათთვის ერთგვარი ნახალისებაა იქნება, უკეთ ისწავლონ ქართული ენა. სასიამოვნო მოვალეობაა ჩემთვის პროგრამის იმ ნაწილის შესრულება, რისთვისაც დღეს აქ შეიკრიბეთ. ვულოცავ ჩვენს პატარა სტუმრებს წარმატებებს. როგორც გითხარით, კონკურსი ყოველწლიურად ჩატარდება და ვგსურს, რომ სწორედ უნივერსიტეტში, ქართული ენის დღეს, დავამკვიდროთ ასეთი შეხვედრები. იმედია, საინგილოს სხვა დიასპორების წარმომადგენლებიც შემოვიერთდებიან. როგორც ყველა ქართველში, ასევე თითოეულ თქვენგანში ქართული ენა იბრძვის, არსებობს და შემოქმედებითად ვლინდება. ეს პროგრამა მინისტრის, **იულონ გაგოშიძის** აზერბაიჯანში ვიზიტს მოჰყვა. მან გულთან ახლოს მიიტანა აზერბაიჯანში მცხოვრები ქართული მოსახლეობის სატყუარო, მათი, ვინც ჩვენი ქართული საზოგადოების განუყოფელ ნაწილს წარმოადგენს და ვინაც ისტორიულ დიასპორად - საინგილოს ქართველობად მოვიხსენიებთ. ისინი წუხილს გამოთქვამდნენ იმ მდგომარეობის გამო, რაც დღევანდელი საინგილოში ქართული ენის ფუნქციონირებასთან დაკავშირებით შეიქმნა. ორი კავკასიური სახელმწიფოს - აზერბაიჯანისა და საქართველოს - შეთანხმებით, ამ პრობლემაზე არა მხოლოდ ჩვენი სამინისტროების დონეზე ვიმუშავებთ, არამედ კულტურისა და განათლების სამინისტროებთანაც ვითანამშრომლებთ. ჩვენ გვექნება



გაცვლითი პროგრამები როგორც საქართველოს აზერბაიჯანული მოსახლეობისათვის (რიცხოზრევად 200 ათას მოსახლეს წარმოადგენს), ასევე აზერბაიჯანის ქართული მოსახლეობისათვის (მხოლოდ საინგილოში 50 ათასს აჭარბებს). ჩვენთვის არა აქვს მნიშვნელობა, თუ რომელ რაიონში ცხოვრობენ ქართველები - კახის თუ ზაქათალის, ჩვენი ყველა ერთნაირად მნიშვნელოვანია. ისინი თავს ქართველებად სწორედ ქართული ენიდან გამომდინარე მოიაზრებენ. გვინდა, ამ დიდ მამულურ საქმეში ჩვენი წვლილიც შევიტანოთ. საინგილოს ქართული სკოლები დაძმობილებიან საქართველოს აზერბაიჯანულ და ქართულ სკოლებთან, ეს პროგრამაც არსებობს. ასეთივე ღონისძიება ჩატარდება შემოდგომაზე, სწავლის დაწყების შემთხვევაში. ვგსურს, ივანე ჯავახიშვილის უნივერსიტეტი - კავკასიაში პირველი უნივერსიტეტი - საქართველოს ფარგლებს გარეთ მცხოვრები ქართველების უცვლელი მასპინძელი იყოს“.

„საქართველოსთან ხშირ კონტაქტს განსაკუთრებული მნიშვნელობა აქვს ჩვენითვის. ჩვენ შორიდან გვინევს სამშობლოს მოფერება, ჩვენი შვილებისთვის კი ქართული ენისადმი ინტერესი ისეთივე ძლიერი და მშობლიურია, როგორც საქართველოში მცხოვრები ქართველებისათვის, - გვითხრა, ქოთოქლეს სკოლის ისტორიის მასწავლებელმა, **ცისმარ ბერიკაშვილმა**, - ჩვენს სკოლაში საქართველოს ისტორიას ვერ ვასწავლით, ისწავლება აზერბაიჯანის და მსოფლიო ისტორია, მაგრამ, მიუხედავად ამისა, ჩვენმა შვილებმა საქართველოს ისტორია მაინც იციან, იციან, რომ უნდა იამაყონ დიდი წინაპრებით - დავით აღმაშენებლითა და თამარ

მეფით, უნდა იამაყონ ქართული ენით, რომელიც ასე სათუთი და მოსაფრთხილებელია. ქართულ ენას სკოლაში ჩვეულებრივი პროგრამით გავდივართ. ჩვენი სკოლის მოსწავლეთა უმეტესობა საქართველოში მოდის უმაღლესში სწავლის გასაგრძელებლად. ასეთი ღონისძიებებით კი საგრძნობლად გავზრდით ჩვენი ახალგაზრდობის მოტივაციას და გავუღვივებთ სიყვარულს მშობლიური ენისადმი.“

**ჯანათა აივაზოვა**, სოფელი ალიბადი, მშობელი: „ასეთი ღონისძიებები ძალიან გავს ბავშვებისათვის. ჩვენ გარკვეული ზეწოლის ქვეშ გვინევს ცხოვრება. ხშირად ქართულ სახელებზეც კი გვექმნება პელოტი, ქართულ ენას ავიწროვებთ. მიუხედავად ამისა ჩვენმა შვილებმა ქართული მაინც იციან, ლექსებსაც კი წერენ, ჩანახატებს აკეთებენ სამშობლოზე, რომელიც გამძაფრებულად უყვართ. აქ ჩამოსვლა მათთვის ყველაზე დიდი სიხარულია. დიდი მადლობა ამ ღონისძიების ორგანიზატორებს.“

**მერი მაზანაშვილი**, სოფელი ალიბადი, მშობელი: „ახლახან განათლებისა და მეცნიერების სამინისტროდან იყვნენ ჩვენთან ჩამოსული, არც ერთ მოსწავლესა და მასწავლებელს არ მისცეს მათთან შეხვედრის უფლება. ამბობენ სკოლის დახურვაც კი უნდათ. სამინისტროდან ჩამოსული სტუმრები ჩვენ სოფელში მცხოვრებ მუსულმან მოსახლეობას შეახვედრეს, ჩვენ კი ამას შორიდან ვადევნებდით თვალს. გამუდმებულად ცდილობენ, მსგავსი ღონისძიებები ჩაახშონ, რათა არ გვექნეს კონტაქტი ქართველებთან. საქართველოდან მხარდაჭერა კი გვაქვს, ჩამოაქვთ ხოლმე წიგნები, მაგრამ ჩვენ ამით მაინც ვერ ვსარგებლობთ, რადგანაც იქამდე არავინ გვიშვებს, ჩვენთვის მიუხედავია. გვინდა, რომ



# ლია წერილი ქ-ნ ლურჯუმელიძეს!

ქ-ნო მანანა!  
თქვენი საჩივრის პასუხად, კიდევ ერთხელ, ამჯერად საჯაროდ განვიმარტავთ მე-10 საჯარო სკოლის პედაგოგების პოზიციას თქვენი ქმედებების მიმართ:

1. თქვენ არაერთხელ დაამახინჯეთ ფაქტები და აუგად მოიხსენიეთ სკოლის კოლექტივი იმის გამო, რომ ვისარგებლეთ ჩვენი კონსტიტუციური უფლებით და ავირჩიეთ სხვა პროფესიული გაერთიანება, რომელმაც, თქვენგან განსხვავებით, შემოგვთავაზა უკეთესი პირობები: კერძოდ, მასწავლებელთა ზრდისათვის მუდმივად თანადგომის პროგრამა (ეს პროგრამა საგნების მიხედვით სკოლაში უკვე ხორციელდება). თქვენ წლების განმავლობაში ჩვენს სკოლაში და საქართველოს არცერთ სკოლაში მსგავსი არაფერი გიკეთებიათ, იმის გამო, რომ არ გსურთ, ჩვენივე ფული ჩადოთ ჩვენსავე პროფესიულ ზრდაში. თქვენ მოითხოვეთ სასერტიფიკაციო გამოცდების გაურკვეველი ვადით გადადგება. მიგვაჩნია, რომ ჩვენი მთავარი დამცველი ჩვენი პროფესიონალი ზნია, რაც საგანმანათლებლო ბაზარზე მასწავლებელთა უფლებების დაცვის უმყარესი გარანტიაა და, შესაბამისად, სწორედ ამის შედეგად

ეკისრება ვალდებულება სახელმწიფოს მასწავლებელთა ხელფასების ზრდის შესახებ!

2. თქვენ არაერთხელ დააფიქსირეთ, რომ ჩვენი არჩევანი დირექტორმა განაპირობა. ნუთუ ვერ იცებთ, პედაგოგთა „დამცველი“, ამით რა შეურაცხყოფას აყენებთ მასწავლებლებს! თქვენი აზრით, ავ-კარგის გარჩევა არ შეგვძლება?!

3. პრობლემა ეძებთ თქვენს არაკონკურენტუნარიანობაში და არა სხვაში! თქვენი ორგანიზაცია წლების განმავლობაში საგანმანათლებლო ბაზარზე მონოპოლისტი იყო, ბევრმა პედაგოგმა დღესაც არ იცის, არის თუ არა იგი პროფესიული გაერთიანების წევრი და ეჭრება თუ არა ხელფასიდან 1%! თქვენ ვერ მოახერხებთ ორგანიზაციის შესაბამისი რეფორმირება! მიგაჩნიათ, რომ თქვენგან უფლებაყრდილი პირველადი ორგანიზაციები (იხ. „სამშპ“-ს წესდება), რომელთაც ჰყავთ ბელადი ლურჯუმელიძე, ფრიად ბედნიერები არიან?! ჩვენ მიგვაჩნია, რომ ბელადომანია კარგა ხანია დრო მოჭამა!! თქვენი სლოგანი – „მჩაგრელი ადმინისტრაცია და დაჩაგრული პედაგოგები“ (ხელოვნური დაპირისპირების შექმნის მიზნით). ჩვენი სკოლის სლოგანი – „სკოლა ერთიანი ორგა-

ნიზმია, რომელიც მიზნად ისახავს მუდმივ განვითარებას და წარმატების მოპოვებას საგანმანათლებლო სივრცეში!“ თქვენი იდეა-ფიქსია უმცარესი ცენტრალიზაცია (თქვენი ორგანიზაციის „რეფორმის“ არსი) ჩვენი – თვითმმართველობის განვითარება!

4. თქვენი მუშაობის სტილია – ფინანსების თავნებური და ხშირად არაკანონიერი განკარგვა! ჩვენი სკოლის პრინციპია – სრული ფინანსური გამჭვირვალობა, სასკოლო საზოგადოების აქტიური ჩართულობა ბიუჯეტის პროცესში. ამიტომ ბუნებრივია, რომ ჩვენი არჩევანი თქვენ არა ხართ!!

5. ქ-ნო ლურჯუმელიძე, გაფრთხილებთ: თუ თქვენ განაგრძობთ მე-10 საჯარო სკოლის მადისკრედიტებულ საქმიანობას, იძულებული გავხდებით, მოვახდინოთ ჯერ რაიონის, ხოლო შემდეგ დედაქალაქის პედაგოგების კოორდინირება თქვენი უკანონო და უარგუმენტო ქმედებების ასალაგმავად!!!

მე-10 საჯარო სკოლის პედაგოგები, სამეურვეო საბჭო, მშობელთა სათათბირო

## სახელმძღვანელოები

# შეისახება თუ არა 2009 წლის ერთიანი ეროვნული გამოცდებისთვის შედგენილი ახალი საბამოსლო პროგრამა მათემატიკაში ეროვნულ სასწავლო გეგმასა და სასკოლო სახელმძღვანელოებს?

რას ფიქრობენ მეთორმეტეკლასელები – ამ სათაურით ქვეყნდება XII-კლასელთა პასუხები სახელმძღვანელოების, ეროვნული გამოცდებისა და თორმეტწლიანი სწავლების შესახებ. მოსწავლეები ღიად საუბრობენ იმ მიზეზზე, რომლის გამო არ დადიან სკოლაში, არ გადასულიან XII კლასის სახელმძღვანელოები, იძულებული არიან მიმართონ რეპეტიტორებს.

ზოგიერთი მათგანი საყვედურსაც კი გამოთქვამს XII კლასის სახელმძღვანელოების ავტორების მიმართ; თინა ინაიშვილი, 166-ე საჯარო სკოლა: „ნიგნის ავტორებს ისეთი სახელმძღვანელო უნდა შემოეთავაზებინათ, სკოლაშიც გვესწავლა და მისაღები გამოცდებისთვისაც გამოგვედგოდა. ასეთ შემთხვევაში სკოლაში ვივლიდით...“

უმრავლესობის აზრით, მათემატიკის XII კლასის სახელმძღვანელოში გადმოცემული მასალა არ ემთხვევა მისაღები გამოცდების პროგრამას (XII კლასში ერთი სახელმძღვანელო მოქმედებს: გურამ გოგიშვილი, თემურ რაზ ვეფხვაძე, ია მებონია, ლამარა ქურჩიშვილი, მათემატიკა 12). ეს მოსაზრება რეპეტიტორებისგან, მშობლებისგან და, რაც უფრო სამწუხაროა, მასწავლებლებისგან ესმით მეთორმეტეკლასელებს. მასწავლებელთან შეხვედრების დროს ამ თემას ხშირად ვეხებით – ვიხილავთ საგამოცდო პროგრამასა და სახელმძღვანელოს შესაბამის საკითხებს, ვჩუქნით მათ ახალ წიგნებს, რომლებითაც წინა წლებში შესწავლილი საკითხები შეიძლება გაიმეორონ („გაიმეორეთ მათემატიკა“, თბილისი, „ინტელექტი“, ნაწილი I და ნაწილი II).

ამ წერილით კი მივმართავთ მოსწავლეებს, მათ რეპეტიტორებს, მასწავლებლებს, მშობლებს და ვთხოვთ, ერთად შევამოწმოთ – შეესაბამება თუ არა XII კლასის სახელმძღვანელო მისაღები გამოცდის პროგრამას, გამო-

ადგება თუ არა მოსწავლეს ეს წიგნი მათემატიკასა და ზოგად უნარებში საგამოცდო ტესტის დაძლევაში?

გადავშალთ გამოცდების ეროვნული ცენტრის მიერ მომზადებული კრებული – „როგორ მოვემზადოთ ერთიანი ეროვნული გამოცდებისათვის, არჩევითი საგნები“, თბილისი, 2009. 155-ე გვერდზე ვკითხულობთ: საგამოცდო პროგრამა ეფუძნება მათემატიკის ეროვნულ სასწავლო გეგმას.

დავამატებ – სასკოლო სახელმძღვანელოები კი არ უნდა დაინერსოს საგამოცდო პროგრამის მიხედვით, როგორც ამას მოსწავლეები გვთხოვენ, არამედ საგამოცდო პროგრამა უნდა შედგეს ეროვნული სასწავლო გეგმისა და მისი შესაბამისი სახელმძღვანელოების მიხედვით.

ახლა ერთდროულად გადავშალთ XII კლასის სახელმძღვანელო და საგამოცდო პროგრამა (გვ. 156):

სახელმძღვანელოს I თავი – გადმოცემულია სიმრავლეთა თეორიის ელემენტები, კომბინატორიკა. ეს საკითხები საგამოცდო პროგრამის ალგებრის ნაწილის №1 და №43 საკითხებია. ამავე თავში განხილულია სიმრავლეთა თეორიის, ვენის დიაგრამების გამოყენების მაგალითები. მათი შესწავლა დაეხმარება მოსწავლეებს ზოგადი სწავლების ტესტში ლოგიკური ამოცანების ამოხსნას. ამავე ტესტში ხშირად გვხვდება კომბინატორული შინაარსის დავალებებიც.

სახელმძღვანელოს II თავში ალბათობის საკითხებია გადმოცემული, აი, რას ფიქრობს ამის შესახებ 182-ე სკოლის მეთორმეტეკლასელი ქრისტინე ვეარაცხელია: „...სასურველი იქნებოდა XII კლასის სახელმძღვანელოში ალბათობის თეორიის ნაცვლად უფრო მნიშვნელოვანი საკითხებზე გამახვილებულიყო ყურადღება, რაც მისაღები გამოცდებისთვის გამოგვადგებოდა და უნარებშიც რეპეტიტორი არ დაგვჭირდებოდა“.

მე ვთხოვ ქრისტინეს, გადაშალოს გამოცდების ეროვნული ცენტრის მიერ გამოშვებული წიგნი: „როგორ მოვემზადოთ ერთიანი ეროვნული გამოცდებისთვის, საგანმანათლებლო საგნები“, გვ. 104; აქ წარმოდგენილი საგამოცდო პროგრამის მიხედვით, ყველა აბიტურენტს მიეთხოვება ალბათობის თეორიის ელემენტების ცოდნა. ამას ადასტურებს სავარაუდო ტესტის შინაარსიც (იხ., მაგ., გვ. 103).

მათემატიკის საგამოცდო პროგრამის მიხედვით კი, ალბათობის საკითხები მე-XII კლასის სახელმძღვანელოს შესაბამისია – პროგრამის ნაწილი, მონაცემთა ანალიზი, ალბათობა და სტატისტიკა, №3 საკითხი. სავარაუდო ტესტზე შეიცავს ალბათობის საკითხებს.

XII კლასის მე-3 თავი მოდულური არითმეტიკის საკითხებს ეძღვნება. მთელ რიცხვთა გაყოფადობის საკითხები, ნაშთთა არითმეტიკა – შესაბამისი ამოცანები ძალიან პოპულარულია მათემატიკასა და ზოგადი უნარების საგამოცდო ტესტებში: ამ საკითხებს საგამოცდო პროგრამებშიც ითვალისწინებს (მაგალითად, ნაწილი ალგებრა, №2 საკითხი).

სახელმძღვანელოს მე-4 თავში შეჯამებულია მოსწავლეთა წინა ცოდნა ფუნქციის, ფუნქციების კომპოზიციის შესახებ, სხვადასხვა ტიპის ელემენტარულ ფუნქციებზე (იხ., მაგ., საგამოცდო პროგრამა, ალგებრა, №23 საკითხი).

მე-5 თავში გეომეტრიული ფიგურები წარმოდგენილია ვექტორები სივრცეში, კოორდინატები სივრცეში, გეომეტრიული ალბათობა – ეს საკითხები საგამოცდო პროგრამითაც არის გათვალისწინებული, გეომეტრია, №12-№23; ალბათობა, №3 საკითხი.

ახლა პირველი სკოლის XI-კლასელი, თაკო ლელაუტაშვილი მივმართავ. თქვენ ამბობთ: „...XII კლასის პროგრამა არ შეესაბამება ერთიანი ეროვნული გამოცდებს, აქედან გამომდინ-

ნარე, ჩვენ – უფროსკლასელები, ბუნებრივია, უმეტეს დროს ვუთმობთ გამოცდებისთვის მზადებას. XII კლასის სახელმძღვანელოების უმეტესობა კი გვერდზე დარჩა გადადებული, რადგან ფიზიკურად დრო არ რჩება“, მაგრამ, თუ თქვენ მათემატიკას აბარებთ ყველა შემთხვევაში ჩამოთვლილი საკითხის შესწავლა მოეწვევთ; ზოგადი უნარების ტესტები კი მოცულობისა და ალბათობის ცოდნას მოითხოვს. განა უკეთესი არ იქნება, რომ სკოლაში გაიართოს ეს საკითხები? იგივე ენება სახელმძღვანელოს ბოლო თავსაც, რომელშიც მონაცემთა ანალიზის და სტატისტიკის საკითხებია გადმოცემული. ცხადია, XII კლასის სახელმძღვანელო არ ამოწურავს ყველა საგამოცდო საკითხს, ზოგიერთის გადმოცემა კი მეტი მოცულობითაა წარმოდგენილი. სკოლაში სწავლის მიზნები არ ემთხვევა მხოლოდ მოსწავლეთა მომზადებას მისაღები გამოცდების ჩასაბარებლად; ერთ-ერთი ამოცანა უმაღლეს სკოლაში სწავლისთვის მომზადებაც არის; სხვა მიზნების შესახებ საინტერესოდ ისაუბრა თქვენი გაზეთის საშუალებით ქალბატონმა ნელი ნასყიდაშვილმა. საგამოცდო პროგრამით გათვალისწინებული საკითხების ნაწილი მოსწავლეებს VII-XI კლასებში აქვთ გავლილი. შეჯამებული სახით ისინი ჩვენ მიერ გამოცემულ წიგნებშია წარმოდგენილი („გავიმეორეთ მათემატიკა“, წიგნი I და წიგნი II).

თიბურა ვეფხვაძე  
10 აპრილი, 2009 წელი

დამატებითი შეხსენება სკოლის დირექტორებსა და მასწავლებლებსთვის: კანონი „ზოგადი განათლების შესახებ“, მუხლი 5, მე-5 პუნქტი: ეროვნული სასწავლო გეგმის შესრულება სავალდებულოა ყველა ზოგადსაგანმანათლებლო დაწესებულებისათვის.

# ქართული სკოლა გამოეყო და ცალკე იფუნქციონიროს, მაგრამ, ჯერჯერობით, ეს შეუძლებელია. კიდევ ერთ რამეზე მინდა ყურადღების გამახვილება – უმაღლეს დამთავრებულ ახალგაზრდებს, რომლებმაც განათლება ქართულ უმაღლეს სასწავლებლებში მიიღეს, არსად სამუშაოდ არ იღებენ, ხაზგასმით უარყოფენ, რადგანაც არ უნდათ, კიდევ ვიმეორებ, რომ ჩვენ კონტაქტი გვექნეს საქართველოსთან. არადა, ჩვენი ახალგაზრდების დიდი ნაწილი საქართველოს უმაღლეს სასწავლებლებში სწავლობს, ეს მათი დიდი სურვილია. ამ ფონზე, დღევანდელის მსგავსი კონტაქტები ჩვენთვის ძალიან მნიშვნელოვანია, იმედს ვიტოვებთ, რომ ეს მხოლოდ ერთგვარი ღონისძიება არ იქნება და გავრცელდება მოწყვეტა“.

ლონისძიებაზე ალიბეგლოს შოთა რუსთაველის სახელობის საშუალო სკოლის მეთორმეტე კლასის მოსწავლემ, ზაზა სუყაშვილმა სამშობლოზე დაწერილი ლექსი წაიკითხა:

„საქართველოს სიღამაზე ქვეყნად ხიბლავს ბევრს, მისი მთები და ველები ელანდება მტერს, მაღლა მთიდან გადმოჰყურებს ზედაზენი ჯვარს, სვეტიცხოვლის სიღამაზე მხახველს უჭრის თვალს...“

ეს ნაწყვეტია უნივერსიტეტში გამართულ ღონისძიებაზე წაკითხული ლექსიდან, ისე კი, ზაზა სამშობლოზე ლექსებს ხშირად წერს, თბილისისავე ხშირად სტუმრობს, რადგანაც ამბობს, რომ ძალიან უყვარს საქართველო, მისი მომავალი გეგმებიც სწორედ აქაუ-

რობას უკავშირდება: „ამ რვეულში 30-მდე ლექსი მაქვს დაწერილი. კონკურსში სიამოვნებით მივიღე მონაწილეობა. წელს სკოლას ვამთავრებ და გადაწყვეტილი მაქვს, საქართველოში ერთიანი ეროვნული გამოცდებზე ვცადო ბედი. სერიოზულად ვემზადები, რეპეტიტორთანაც დავდივარ. ბუნებრივია, ჩემთვის ძალიან სასიხარულოა, როცა საქართველოში გვაჯილდოებენ, ეს წარმატება ქართულ ენას უკავშირდება“.

მარიკა ქენგულოვა, მოსულის საშუალო სკოლის მოსწავლე კი თავს უბედნიერეს ადამიანად მიიჩნევს, ჯილდოს თბილისის ი. ჯავახიშვილის სახელობის სახელმწიფო უნივერსიტეტის რექტორი გადასცემს და მასთან სამახსოვრო ფოტოსაც იღებს: „დღეს ძალიან ბედნიერი ვარ, საქართველოში ჩამოვედი. ძალიან მიყვარს ჩვენი სამშობ-

ლო, ბუნებრივია, ქართული ენაც და როცა კონკურსი გამოაცხადეს, სიამოვნებით მივიღე მონაწილეობა. გავიმარჯვე კიდევ და დღეს ჩვენი წარმატება აქ, თბილისის უნივერსიტეტში აღინიშნა. საქართველოს ისტორიას სკოლაში არ გვასწავლიან, მაგრამ ჩვენი ისტორია ძალიან მაინტერესებს, ამიტომ ბიბლიოთეკიდან გამომაქვს წიგნები და ვკითხულობ. გადაწყვეტილი მაქვს, ქართული ენისა და ლიტერატურის ფაკულტეტზე ჩავაბარო, ამით ქართველობას მეტად შევინარჩუნებ. დიდი მადლობა დღევანდელი დღის ორგანიზატორებს ასეთი დაუფინანსარი წუთებისთვის, საჩუქრებისთვის და იმ თბილი ატმოსფეროსთვის, რაც ჩვენ, პირველ მოსწავლეებს აქ, უნივერსიტეტის კედლებში, დაგვახვედრეს, ყოველ ცისმარე გამახსენებებით, ჩამეძინება დამესიზმრებით, თქვე-

ნთან შეხვედრაც ხატი მგონია, ვფიცავ ყველაფერს სანთლად გენთებით“.

დაისპორის საკითხებში საქართველოს სახელმწიფო მინისტრის აპარატი საინფორმაციო ჩამოსვლ ბავშვებს რამდენიმე დღის განმავლობაში უმასპინძლა.

დაისპორის საკითხებში საქართველოს სახელმწიფო მინისტრის აპარატის, ივანე ჯავახიშვილის სახელობის თბილისის სახელმწიფო უნივერსიტეტის სტუდენტური თვითმმართველობისა და ახალგაზრდა ჰერეთელთა ასოციაციის ორგანიზებით, 15-16 აპრილს მიმდინარე „ჰერეთის დღეები“ 2008 წლის აგვისტოში, რუსეთ-საქართველოს ომის დროს, გმირულად დაღუპული ქართველი მეომრების სსოვნას მიეძღვნა.

ლალი ჯეღაძე

# მნიშვნელოვანი ტრადიციის ექსპოზიცია

ქართული ენის დღესთან დაკავშირებით ხელნაწერთა ეროვნულ ცენტრში ერთი დღით გამოიფინა „დედა ენის“ პირველი გამოცემები და იაკობ გოგებაშვილის ხელნაწერები.

**ბუბა კუდავა**, ხელნაწერთა ეროვნული ცენტრის დირექტორი: „სიმბოლოურია, რომ ხელნაწერთა ეროვნულ ცენტრში ქართული ენის დღეს აღვნიშნავთ. მოგეხსენებათ, „დედა ენა“ არ შექმნილა ცარიელ ადგილას, მას ჰქონდა ძალიან დიდი მნიშვნელოვანი ტრადიცია, რომლის ნიმუშები ჩვენს ცენტრშია დაცული. გარდა ამისა, ჩვენთან დაცულია იაკობ გოგებაშვილის პირადი საარქივო ფონდი, „დედა ენაზე“ მუშაობის ხელნაწერები, პირველი ილუსტრაციები, რომლებიც დედაენისთვის სრულდებოდა და პირველი გამოცემების კლიშეები.



დღეს გამოიფინა იაკობ გოგებაშვილის საარქივო ფონდიდან ნიმუშები, რომლებიც „დედა ენას“ უკავშირდება და ასევე შექმნა საგანმანათლებლო პროექტი, რომლის მიხედვითაც ბავშვებმა თავად უნდა შექმნან წიგნი“.

რაცაიხსიანს ესიკიზები იაკობ გოგებაშვილის სახელმძღვანელოებისათვის; იაკობ გოგებაშვილი – მასალა „დედა ენის“ პირველი ნაწილისათვის (ლექსები, მოთხრობები, მეთოდური მითითებანი); იაკობ გოგებაშვილის წერილები „ქართული დედნის შესახებ“, 1883 წელი, ავტორგრაფი; იაკობ გოგებაშვილის „დედა ენის“ პირველი გამოცემის კლიშეები. პატარებისათვის სპეციალურად მომზადებული იყო მასალები – „რწყილი და ჭიანჭველა“ ფურცლების სახით – ილუსტრაციები უნდა გაეფურადებინათ, დაესათაურებინათ, მიმდევრობაც აენ-

ყოთ და შემდეგ წიგნად აეკინძათ. ხელნაწერთა ცენტრში შეკრებილ დამთვალელებს ქართული ენის დღე მიულოცა განათლებისა და მეცნიერების მინისტრმა **ნიკა გვარამიამ**: „ყველა ქართველის სამყაროს შემტყნების გასაღები გოგებაშვილის გენიალური „აი ია“-თი ინყება და პირველ ნაბიჯებსაც განათლებაში სწორედ ამ სიტყვებით ვდგამთ. მართალია, მას შემდეგ, რაც პირველი „დედა ენა“ გამოიცა, ბევრი რამ შეიცვალა, მაგრამ უცვლელია „აი ია“ და დარწმუნებული ვარ, რომ ეს არასოდეს შეიცვლება, რადგან მთავარი საიდუმლო სწო-

რედ ამ ორი სიტყვის სისადავესა და გენიალურობაშია. ყოველ შემთხვევაში დღემდე უკეთესი ვერავინ გამოიგონა. იაკობ გოგებაშვილი ჩვენი საგანმანათლებლო ტრადიციის მთავარი ავტორია, რომელზეც დგას ქართული საგანმანათლებლო სკოლა. მე, როგორც განათლების მინისტრი და როგორც რიგითი ქართველი, ყველაფერს გააკეთებ იმისთვის, რომ ჩვენ ამ ფესვებს არასოდეს მოვწყდეთ. ბავშვები დღეს აქ ძალიან საინტერესო საქმით არიან დაკავებულნი. ისინი „რწყილი და ჭიანჭველას“ ამბავს აფერადებენ და წიგნად კინ-

დავენ. ეს მეთოდი შესულია 1876 წლის „დედა ენის“ გამოცემაში და შესულია დღევანდელ „დედა ენაშიც“, რაც ტრადიციების მიმდევრობა და უწყვეტობაზე მეტყველებს“.

პარლამენტის თავმჯდომარემ, **დავით ბაქრაძემ** ენის დღე მიულოცა პატივს და დაპირდა, რომ მათ აღარასოდეს მოუწევთ ქართული ენის დაცვა, რადგანაც ქართული სახელმწიფო არის და იქნება დამოუკიდებელი ქვეყანა, სადაც ქართულ ენას საფრთხე აღარასოდეს დაემუქრება.

ლალი ჯვალაძე

## გერმანული პროექტის პარტნიორი სკოლა

14 აპრილს თბილისის 52-ე საჯარო სკოლას (დირექტორი **პაატა ბერიკაშვილი**) პარტნიორი სკოლების დიდ ოჯახში შესვლის დამამტკიცებელი ოფიციალური აბრა გადაეცა. საზეიმო შეკრებაში სკოლის მოსწავლეები, მათი მშობლები, პედაგოგები და გერმანული ენის კოორდინატორი და კონსულტანტი საქართველოში, ქალბატონი **კერსტინ შეფლერი** მონაწილეობდნენ. პროექტის შესახებ დანვრლებით სწორედ მან ისაუბრა: „ყველაფერი ერთი წლის წინ დაიწყო. ბატონმა პაატა ბერიკაშვილმა დარეკა ჩვენთან და გვკითხა, როგორ შეიძლება, ჩვენი სკოლა პროექტის მონაწილე გახდესო. ამას მოჰყვა შეხვედრები, მოლაპარაკებები. ვიმსჯელებთ, როგორ დაგვეწყოს და განგვეხორციელებინა ეს პროექტი სკოლაში. მოგეხსენებათ, პროექტს აფინანსებს გერმანიის საგარეო საქმეთა სამინისტრო. გერმანულ ინიციატივას ფართო გამოხმაურება მოჰყვა და მასში 52 ქვეყანა ჩაერთო, სადაც არსებობს ე.წ. გერმანული სკოლები და ეწოდებათ მათ გერმანიის რესპუბლიკის პარტნიორი სკოლები.

პროექტის ფარგლებში საკმაოდ დიდი დაფინანსება მივიღეთ გერმანიის მხრიდან. ამ ერთი წლის განმავლობაში შევიძინეთ ტექნიკა, სახელმძღვანელოები, უფრო მეტს შევიძინეთ მომავალ წელს, მაგრამ მხოლოდ ეს არ არის საკმარისი იმისთვის, რომ გერმანული ენის შესწავლა სკოლაში წარმატებით განხორციელდეს. ამისთვის, უპირველესად, პედაგოგია საჭირო, რომელიც გერმანიიდან ჩამოვიყვანეთ, ბატონი **ვოლფგანგ ციპელი** და სექტემბრიდან მუშაობს ამ სკოლაში. შემდეგი აუცილებელი პირობა იყო გერმანული ენის კაბინეტის მოწყობა, რომელიც ასევე გერმანულმა მხარემ დააფინანსა, ამისათვის გერმანიიდან სპეციალურად ჩამოვიდა ორი ახალგაზრდა პედაგოგი – კრისტიანი და იოჰანესი, მათ ვოლფგანგთან ერთად მოაწყვეს გერმანული ენის კაბინეტი, რომელიც დღესვე გაიხსნება და ხვალედან უკვე შესაძლებელი იქნება გერმანული ენის გაკვეთილების ჩატარება სათანადო ტექნიკური აღჭურვილობის თანხლებით.

საზეიმო ცერემონიალს წინ უძღოდა გერმანული ენის კვირეული, რომელიც 6-14 აპრილს გერმანულ სტუმრებთან ერთად ჩატარდა. ეს იყო საკმაოდ საინტერესო შემოქმედებითი და კულტურული პროგრამები ექსკურსიებითა და თეატრალური წარმოდგენებით, რომელიც დისკოთეკით დასრულდა.

პროექტის შესახებ საუბრობს უცხო ენების კათედრის ხელმძღვანელი, გერმანულის მასწავლებელი **ნანა ჭილაძე**: „პროექტი 2008 წელს დაიწყო მსოფლიოს მასშტაბით, გერმანიის საგარეო საქმეთა მინისტრის, ბატონ შტაინმაიერის ინიციატივით და გულისხმობს გერმანული ენის სწავლებას გაძლიერებული მეთოდით. პროექტის საბოლოო სასურველი მიზანია გერმანული ენის დიპლომის აღება. დირექციის ინიციატივით, პროექტი ჩვენს

სკოლაში 2008 წლის სექტემბრიდან ხორციელდება. საგანგებოდ მინდა აღვნიშნო, რომ მშობლები დიდი ინტერესით შეხვდნენ ამ ინიციატივას, ყველანი ერთ აზრზე არ იყვნენ, მაგრამ უმრავლესობის აზრი დადებითი იყო. ბავშვების დაინტერესებაში გერმანული პედაგოგი ვოლფგანგ ციპელი დაგვეხმარა. გარდა იმისა, რომ იგი კარგი პროფესიონალია, საკმაოდ განათლებული, ქართული კულტურის მოყვარული ახალგაზრდაა, რომელიც უკვე ახერხებს ქართულ ენაზე მოსწავლეებთან, კოლეგებთან თუ მშობლებთან ურთიერთობას. მისი დახმარებით დღითი დღე ვიკრებთ ძალებს.

გერმანიის განათლების სამინისტროს წარმომადგენელმა, ქალბატონმა შეფლერმა გერმანულენოვანი ლიტერატურით მოგვამარაგა, რომელიც უცხოელი ბავშვებისთვისაა გამოცემული, მათივე ფინანსებით შევიძინეთ გერმანული ენის კაბინეტისათვის აუცილებელი ტექნიკური აღჭურვილობა, რომელსაც საგაყვებილო პროცესში გამოვიყენებთ. ჩვენთან ინგლისური ენაც ისწავლება. ამ პროექტმა, შეიძლება

ითქვას, ჯანსაღი კონკურენციის პირობები შექმნა. ეს კარგია. მთავარი, რასაც დღემდე მივალნივთ, ესაა გერმანული ენის შესწავლისადმი ინტერესის გაღვივება, მისი უფრო ღრმად შესწავლა სიამოვნებით უნდა ხდებოდეს და არა ტანჯვით. ამიტომაც ვცდილობთ, ეს არ იყოს ჩვეულებრივი გაკვეთილები, ყოველთვის განსხვავებული და ორიგინალური მეთოდი შევთავაზოთ ჩვენს მოსწავლეებს“.

**ვოლფგანგ ციპელი**, გერმანული ენის მასწავლებელი: „ეს არ არის ჩემი პირველი ჩამოსვლა საქართველოში, ვიცოდი, სად მოვდიოდი და რა მიზნით. ბევრ სხვა სკოლასაც ვიცნობდი, მაგრამ ჩვეთვალე უფრო საინტერესო იქნებოდა, თუ ჩემთვის უცხო სკოლაში შევიდოდი და ყველაფერს ახლიდან დავიწყებდი. ბედმა გამიღიმა, რომ ასეთ კარგ სიტუაციაში აღმოვჩნდი. გასაკეთებელი, რა თქმა უნდა, ძალიან ბევრია, მაგრამ რწმენა იმისა, რომ ეს ჩვენს ბავშვებს ძალიან გამოადგებათ, მიზნის მიღწევაში დაგვეხმარება. პროექტი მრავალმხრივია. მიღებულ ცოდნას ახალგაზრდები მარტო საქართველოში კი არა ბევრ სხვა ქვეყანაში გამოიყენებენ. პროექტი, ფაქტობრივად, XII კლასში ხორციელდება, მანამდე ნაბიჯ-ნაბიჯ მივდივართ. ბოლოს, განაცხადის საფუძველზე, გამოცდებს ჩააბარებენ და ენის ცოდნის დამადასტურებელ სერტიფიკატს მხოლოდ საუკეთესოები მიიღებენ. ჩვენ ყველა პირობას შევუქმნით ქართველ ბავშვებს, რომ გერმანული ენა ძალიან მაღალ დონეზე, სრულყოფილად შეისწავლონ, აიღონ სათანადო დიპლომი, რაც მისცემს მათ საშუალებას განათლება მიიღონ გერმანულენოვან ქვეყნებში დამატებითი გამოცდების გარეშე“.

ანა ფირცხალაიშვილი



# ქართული ბებრის ჯადოსნური მიზიდველობა

ქუთაისის 23-ე საჯარო სკოლაში (დირექტორი - გოჩა ჩხეტია, სასწავლო ნაწილის გამგე - სოსო ენდელაძე) მესხეთეკლასელებმა ქართული ენის დღეს მიუძღვნეს ლიტერატურულ-მუსიკალური კომპოზიცია „მამული, ენა, სარწმუნოება“ (კლასის ხელმძღვანელი - ხათუნა ჯიმშელიანი). ქართული ენისა და ლიტერატურის მასწავლებლები: **ლიანა კოსტავა** და **ლია ჯანელიძე**.

პატარებმა გაიხსენეს ჩვენი „მრავალ-ჭირვარამგადანახადი“ ქართული ენის ისტორია უძველესი დროიდან დღემდე და გამოკვეთეს, რომ ქართული ენა ისეთივე მრავალფეროვანია, როგორც ბუნება კავკასიონისა.

„ხმათა ხვეწვებისა და ღმერთების ენაზე“ წაიკითხეს ქართული ენი-

სადმი მიძღვნილი ლაღო ასათიანის, მუხრან მაჭავარიანის, მურმან ლეპაძისა და გალაკტიონ ტაბიძის ლექსები. მხატვრული კითხვის თვალსაზრისით, განსაკუთრებით წარმოჩინდნენ: **ნინო ყურაშვილი**, **ანა თუთისანი** და **ქრისტინე კოლუაშვილი**. გოგონებს, ლექსის ემოციურ კითხვაში ვაჟებმა ტოლი არ დაუდეს, რადგან **ალექსი ჟორჯოლიანის**, **თორნიკე ლომიძის**, **შოთა ჯვამბურის**, **ლუკა კვიციანი** და **საბა ჟღენტის** ხმის ტემბრში იგრძნობოდა დიდი სიყვარული და მოფერება დედა ენისადმი.

დამსწრეთა შორის განსაკუთრებული მოწონება დაიმსახურა ოლღა ბებიაშვილი (**თამარ კობახიძე**) და ზურიკელას იუმორმა (**დიმიტრი გურუშვილი**), რომელიც შეეხებოდა ზმნის პირს.

პატარები დიდი სიყვარულით მოეფერნენ ქართულ ანბანს და თავიანთ პირველ მასწავლებელს, ქალბატონ **ზაია სვანიძეს**, რომელმაც აზიარა ისინი დედა ენის მადლს და დაარწმუნა, რომ ქართულ ბგერას, სიტყვას აქვს თავისი ხიბლი, მუსიკა, ფერი და ჯადოსნური მიმზიდველობა.

ლიტერატურულ-მუსიკალურმა კომპოზიციამ ცხადყო, რომ ამ თვალსაზრისით გოგო-ბიჭების სახით ჩვენს ერს ეზრდება სამიველი თაობა. „კურთხეულ იყოს მამული ჩემი, ენა ჩემი, ერი ჩემი ანდა მარადის!“ - ეს სიტყვები წარმოთქვეს პატარებმა დასასრულს და გვაგრძნობინეს მზაობა ენის, მამულისა და სარწმუნოების დასაცავად.

მარინა უკლევა



## ხელოვნების კვალდაკვალ



თბილისის 47-ე საჯარო სკოლის დირექტორი (დირექტორი - **ირმა ხუციშვილი**) და ესთეტიკური აღზრდის კათედრის (ხელმძღვანელი - **ნინო ალექსიძე**) ინიციატივით სკოლაში ბევრი საინტერესო ღონისძი-

ება ტარდება. 1921 წლის 25 თებერვალი საქართველოს ყველა საჯარო და კერძო სკოლაში აღინიშნა. კვირეულის ფარგლებში, 25 თებერვალს, ელენე ახვლედიანის სახელობის

ბავშვთა ეროვნულ გალერეაში, 1921 წლის მოვლენებისადმი მიძღვნილი მოსწავლეთა ნამუშევრების რესპუბლიკური გამოფენა გაიხსნა. საუკეთესოდ დასახელდა 47-ე საჯარო სკოლის X კლასის მოსწავლის, **თინი ფერაძის** პლაკატური ფანრის ნახატი „1921“. თინი ფერაძის ეს ნამუშევარი საქართველოს ოკუპაციის დღისადმი მიძღვნილი ლიტერატურული აქციისა და აღმანახის „1921“ გარე ყდის ლოგო გახდა.

აღმანახი „1921“ გამოიკა საქართველოს განათლებისა და მეცნიერების სამინისტროს და კავშირის „ახალი ხელოვნება“ თაოსნობით. აღმანახის პრეზენტაცია შედგა 7 აპრილს, გალერეა „უნივერსიში“.

აღმანახში საქართველოს სხვადასხვა რეგიონის მოსწავლეთა 50 საუკეთესო მოთხრობა შევიდა. მათ შორის, 47-ე სკოლის მოსწავლის - **თამთა რეხვიაშვილის** მოთხრობა „24. 02. 09, ღამე“. ღონისძიება გახსნა საქართველოს განათლებისა და

მეცნიერების მინისტრმა, **ნიკა გვარამია**. მან 1921 წლისადმი მიძღვნილ აქციებში გამარჯვებული საქართველოს სხვადასხვა სკოლა დააჯილდოვა.

3 აპრილს, 47-ე სკოლაში, გაიმართა სასწავლო-შემოქმედებითი ღონისძიება „მუსიკალური ვიქტორინა“. მონაწილეობდა 47-ე სკოლის VII-კლასელთა ხუთი გუნდი (მუსიკის პედაგოგი - **მარინა ებიტაშვილი**). კონკურსი სხვადასხვა სახეობის 9 რაუნდად ჩატარდა. „მუსიკალური ვიქტორინის“ ფიურის წევრები იყვნენ: 47-ე სკოლის დირექტორი **ირმა ხუციშვილი** (თავმჯდომარე), სამუსიკო სტუდიის ხელმძღვანელი **ნინო ალექსიძე** და საპატიო წევრი - მუსიკათმცოდნე, გადაცემა „ანა-ბანას“ წამყვანი **გიორგი (ბიბი) კვაჭაძე**. მუსიკალურ-ინტელექტუალურმა შეჯიბრმა ობიექტურ ვითარებაში ჩაიარა და გამარჯვებულად VII კლასის გუნდი „7 მუზა“ (კაპიტანი - **ლიზი პეტრიაშვილი**) დასახელდა.

მუსიკალური ვიქტორინა მხატვ-

რულად გააფორმეს 47-ე სკოლის ხელოვნების სალონის წევრებმა: **დეა კაპანაძე**, **თაკო კუდუშაშვილი**, **ანა-მარი ოსიყმაშვილი**, **ნინო საჩიძე** და **მარიამ გოგუაძე**. მათ ლიტერატურულ კონკურსში „ალ-უბლობა“ გამარჯვებული მოთხრობები წაიკითხეს.

იმავ დღეს, სკოლაში გაიმართა მოსწავლეთა ნამუშევრების გამოფენა-კონკურსი თემაზე - „მუსიკის სამყაროში“. ფიურში გამოფენა-კონკურსის გამარჯვებულად დაასახელა: VII კლასის მოსწავლე **ანუკი ციბინტია** და VIII კლასის მოსწავლე **მიხეილ ცუცქერიძე**. სკოლის დირექტორმა **ირმა ხუციშვილი** გამარჯვებული გუნდები და მოსწავლეები სიგელებითა და მუსიკალური ლიტერატურით დააჯილდოვა. ბიბი კვაჭაძემ კი გუნდს „7 მუზა“ სამახსოვროდ გადასცა მუსიკალური ალბომი „ეთნოლოგია“, რომელშიც მისივე ავტორობით შექმნილი კომპოზიციებია შესული.

**მარინა პენიძე**

## მომლოცველ მოსწავლეთა მსვლელობა

7 აპრილს, ხარებას, **მამა დავით ქალბაშვილის** ლოცვა-კურთხევით, მოსწავლე ახალგაზრდობამ მომლოცველური მსვლელობა მოაწყო დიდუბის ღვთისმშობლის ტაძრიდან სამების ლავრაში. მსვლელობის ინიციატივა 116-ე საჯარო სკოლის პედაგოგს **დავით ფერაძეს** ეკუთვნოდა. ამ ინიციატივას სხვა სკოლის მოსწავლეებიც შეუერთდნენ. შეიქმნა მოსწავლეთა სპეციალური საინიციატივო ჯგუფი, რომელმაც დედაქალაქის მასშტაბით უზრუნველყო თანატოლების გაფრთხილება. შემონიშნული თანხით შევიძინეთ ალდომის ხატი, რომელიც მამა დავითმა აკურთხა. ხატი ჯერ დიდუბის ეკლესიაში მოაბრძანეს. მისი გამოჩენისთანავე ახალგაზრდებით გაივსო ტაძრის ეზო. მომლოცველები დიდუბის ტაძრის მოძღვრის, **მამა ვახტანგის** დალოცვის შემდეგ დაიძრნენ სამებისაკენ. მონაწილეთა რაოდენობის გამო მოძრაობა შეწყდა წერეთლის გამზირზე. მსვლელობას გზადაგზა ხალხი უერთდებოდა. მომლოცველები დალოცა ტოლსტოის ქუჩაზე მდებარე წმინდა ნიკოლოზის ეკლესიის მოძღვარმა. სამების ტაძარში მისვლას სულ სხვა მადლი აქვს. ვფიქრობთ, რომ ჩვენი მსვლელობა და ლოცვა ბევრ ჩვენ თანატოლს, მთელ ერსაც შეენევა, ოღონდ ერთ რამეზე დაგვწყდა გული: ველოდით, რომ იმ დღეს მომლოცველ ბავშვებს პატრიარქი დაგვლოცავდა. მაგრამ, როგორც აღმოჩნდა, მას ჩვენი მსვლელობის შესახებ არ მიანოდეს ინფორმაცია. ეს რომ არ ყოფილიყო, დარწმუნებული ვართ, პატრიარქი შეგვხვდებოდა ისე, როგორც ეს გააკეთა უფალმა, როდესაც მასთან დასალოცად მიუსულმა ბავშვებმა, მოციქულების წინააღმდე-



გობის მიუხედავად, მისგან კურთხევა მიიღეს.

**რუსუდან გენებაშვილი** (IX კლასი): ჩემი აზრით, მსვლელობა დიდუბის ტაძრიდან სამების ტაძარამდე ძალიან კარგი იყო. დიდი მანძილის მიუხედავად, მონაწილეთა არათუ არ დაველიღვართ, არამედ უფრო მეტ ძალას

ვგრძნობდით. ეს იმიტომ, რომ ყველაფერი უფლის შემწეობით მოხდა. წმინდა, რომ ხშირად მოეწყოს ასეთი მსვლელობები. ლოცვას უდიდესი ძალა აქვს, ის ჩვენთვისაც კარგი იქნება და სხვა თანატოლებისთვისაც.

**ლაშა ბედენაშვილი** (V კლასი, სტიქაროსანი): ჩემი აზრით, მსვლელობა ძალიან კარგი

იყო. ჩემთან ერთად მსვლელობაში სხვა სტიქაროსნებიც მონაწილეობდნენ. ძალიან კარგი იქნება, თუ ასეთი მსვლელობები კიდევ იქნება და მასში კიდევ უფრო მეტი ბავშვი მიიღებს მონაწილეობას.

**შოთა ბროკიშვილი** (IX კლასი): ვფიქრობ, რომ ამ მსვლელობით და უფლის შემწეობით, ჩვენი მოკრძალებული საქმე გააკეთეთ. მართალია იყო მცირე გაუგებრობაც. მაგალითად, სამების ტაძარში არ იცოდნენ ჩვენი მსვლელობის შესახებ. მჯერა, რომ შემდეგ მსვლელობაზე, რომელშიც ისევ მივიღებ მონაწილეობას, ეს ხარვეზები გამოსწორდება. მოვუნოდებ თანატოლებს, რომ სამომავლოდ ყველა მათგანი შემოგვიერთდეს.

**დავით ფერაძე** (პედაგოგი, მსვლელობის ინიციატორი): ერთობლივი მომლოცველობა იმ ახალგაზრდებისთვის და ბავშვებისთვის გადავწყვიტეთ, რომელთა დიდი ნაწილი უსაქმურობს, ეკლესიის გარეთ დგას ან მიდრეკილია ძალადობისაკენ და ასე შემდეგ. ამის გარდა, ბავშვებს სურდათ ლოცვა განსაცდელში მყოფი ერისთვისაც. მსვლელობაში იმაზე მეტმა მიიღო მონაწილეობა, ვიდრე მოველოდი. მიზარია, რომ მოდის ის თაობა, რომელიც ეკლესიას, რწმენას გამორჩეულ ადგილზე აყენებს და ამაში ჩვენს ეკლესიას და მის მამამთავარს უდიდესი წვლილი მიუძღვის. ამიტომ გვინდოდა, რომ ჩვენი მომლოცველი ბავშვები პატრიარქსაც დაელოცა. იმედი მაქვს, რომ ღვთის შემწეობით შედეგში ეს მადლი არ მოგვაკლდება.

**გიორგი ბათნაშვილი**  
116-ე საჯარო სკოლის  
IX კლასის მოსწავლე.

# ყველაზე ახალგაზრდა კინოაკადემიის



მოსწავლე ახალგაზრდობის რესპუბლიკური სასახლის სტუდია „პიონერფილმი“ იუბილესათვის ემზადება. ერთი შეხედვით, ეს არ იბრძნობა, ვითარება სტუდიაში, ჩვეულებრივად, საქმიანია. თუმცა, ფართო, მაღალჭარბანოთახში, თვალსაჩინო ადგილას დაშვებულ პლაკატზე სხვადასხვაფერი პასტიტო გაკეთებული ხელმოწერები, სათაურით „ჩვენ მზად ვართ, გავხსნათ ჩვენი პარსკვლა-ვი“, სწორედ ამ საგზაფარის ნიშანია. სტუდიის საინტერესო ცხოვრების ამსახველი დიდი ალბომიც ახალი ჩანაწერებით ივსება: „პიონერფილმი“ ჩვეი უბედნიერესი გავშვობაა“;

„მსოფლიოს საუკეთესო სტუდია და ჩვეი გავშვობის ნათელი წერტილი. ჩვენზე კარგ დროს არავინ არ ატარებდა საბჭოთა კავშირის მასშტაბით“; „ყველაზე ტრადიციულ, ახალგაზრდულ კინოაკადემიას ვუსურვებ მუდმივ ახალგაზრდობას, განახლებას, განვითარებას...“ ამ სიტყვების ავტორთა მიერ, წლების წინ გადაღებული რამდენიმე ფილმი თავად ვნახე. 2-3 წუთიანი ფილმები ჩვენი ქვაყნის ბოლო 20-წლიანი ისტორიის ტრაგიკული მონაკვეთები დიდი სევდითა და განცდით, სხვადასხვა მიტაფორული ხარისხითაა გადმოცემული. უკვე მზადაა სალომე პოპიაშვილის საიუბილეო ფესტივალის ფილმი, დანარჩენები დღე-დღეზე დაასრულებან თავიანთ ნამუშევრებს.

ამ გვხვნიერ სამყაროში, საქმისა და გავშვების სიყვარულში, 35 წელი გაატარა სტუდიის ხელმძღვანელმა, გატონა ბრიგოლ ჩიგოგიძემ. ამიტომაც ვთხოვეთ მას, თუნდაც რამდენიმე მნიშვნელოვანი ფრაგმენტის გახსენებით, იუბილური სტუდიის შესახებ მოეთხრო ჩვენი მკითხველისათვის.



სალომე პოპიაშვილი

ვეტაც ორიგინალობით გამოირჩეოდა, ყველა დანარჩენი ფილმი შაბლონურ, საბჭოურ სიუჟეტებზე იყო – ჩემი სკოლა, პიონერთა ბანაკი, სამხედრო-პატრიოტული აღზრდა... სწორედ ამ თემებისგან გამოირჩეოდა ჩვენი ბავშვების შემოქმედება.

ლის გახსნამდე ორი კვირით ადრე მოსკოვის კინემატოგრაფიის კომიტეტიდან დაგვირეკეს და გვაცნობეს, უცხოელებსაც სურთ მონაწილეობა და თუ მიიღებთო. 1979 წელს ეს არ იყო იოლი საქმე, შევცბობით, დიდი ძალისხმევით დაგვჯავნეთ სასტუმრო. ისეთი ქვეყნებიდან ჩამოდიოდნენ, არასოდეს შეხება რომ არ გვქონია – არგენტინიდან, ფინეთიდან, ამერიკიდან, გერმანიიდან, ნორვეგიიდან. ვნახეთ მათი გადაღებული ფილმები. ფესტივალმა ტრიუმფით ჩაიარა. როგორც მაშინ გავიგეთ, იქ სულ სხვა სისტემა მუშაობს, სხვა ტრადიციაა, ჩვენნი ირი მიდგომა ხელოვნების ამ დარგისადმი მსოფლიოს არც ერთ ქვეყანაში არ არის (ბევრ ქვეყანაში თავად ვარ ნამყოფი და ვიცი, ასე ჩამოყალიბებული, სტაბილური სტუდია არსად არ არის). იქ შეიძლება ნებისმიერი პროფესიის პენსიონერმა მოკილოს ამ საქმეს ხელი, შეკრიბოს უზნის ბავშვები და გარკვეული პერიოდულობით ამეცადინოს.

მოსკოვის ფესტივალის შემდეგ მთელმა საბჭოთა კავშირმა გაგვიცნო. ამის შემდეგ ერთ-ერთ ფესტივალზე, ჩემი მანქანით, ბავშვებთან – ლევან დადიანთან და ემზარ ცუცქერიძესთან ერთად, ვლადიკავკაზში გავემგზავრეთ. ჩვენმა ფილმმა იქაც წარმატება მოიპოვა. მაშინ დამებადა იდეა, თბილისშიც ჩაგვეტარებინა მსგავსი ფესტივალი. სასახლის დირექტორმა, თემურ ჟღენტმა მოინონა იდეა და ყოველმხრივ დახმარებას დაგვიპირდა. აქვე ვიტყვი, რომ სასახლის ყველა დირექტორი ყოველთვის მხარში ედგა „პიონერფილმს“ და ყოველმხრივ გვეხმარებოდა. ასეა ახლაც. გაზეთ „პიონერსკია პრავდასთან“ ყოველთვის ვემგობრობდით, ეს ურთიერთობა დღესაც გრძელდება. პოლა, ჩვენი გადაწყვეტილების შესახებ, პირველ რიგში, მათ ვაცნობეთ. გაზეთში გამოქვეყნებულ განცხადებას, თბილისში ფესტივალის ჩატარების თაობაზე, მთელი საბჭოთა კავშირიდან გამოეხმაურნენ, უამრავი წერილი მივიღეთ. მათგან მხოლოდ 200 შევარჩიეთ და მათი მიღებისა და დაბინავების საკითხიც გადაწყვიტეთ – კომაროვის სკოლა-ინტერნატი. ფესტივა-

ამის შემდეგ არც ერთი ფესტივალი არ გამოგვიტოვებია, ხან ჩამოგვაქვს პრიზები, ხან არა, მაგრამ ვეცნობით სხვათა შემოქმედებას და ერთმანეთისგან ბევრ რამეს ვსწავლობთ. 1966 წელს, ავსტრიაში, კინომოყვარულთა ფესტივალზე, სადაც 25 ქვეყნის 175 ფილმი მონაწილეობდა, „პიონერფილმი“ შექმნილმა ფილმმა „ზოოპარკი“ „ოქროს დათუნია“ დაიმსახურა. სამწუხაროდ, ფილმის სიუჟეტი დღესაც აქტუალურია... ზოოპარკის გალიებს ხსნიან და ათავისუფ-

50-ე წელი იწურება მას შემდეგ, რაც პიონერთა სასახლეში, სტუდია „პიონერფილმი“ გადაღებული პირველი ფილმის „ჩვენ მეგობრები ვართ“ პრემიერა შედგა. სტუდიის დამფუძნებელი იყო სასახლის მაშინდელი დირექტორი შალვა ბერიანიძე, ხოლო პირველი ხელმძღვანელი – შურნალისტი გულბათ აბელიშვილი. მე მაშინ VII კლასის მონაწილე ვიყავი. სტუდიის წევრები იყვნენ დღეს უკვე ცნობილი ადამიანები: ზეზვა დულუნიშვილი, ჯემალ ნინუა, თამაზ ხუციშვილი, ნესტან ქელიძე, ნანა თარგამაძე, მანანა აბრამიშვილი, მერაბ ოდიშარია... ეს იყო „პიონერფილმის“ პირველი თაობა, რომელსაც არასოდეს დაავინწყდება კინოს სამყაროში გადადგმული პირველი ბავშვური ნაბიჯები, ბატონ გულბათისა და ქალბატონ თათია პაიჭაძის გულისხმიერება. მე მანამდე ნორჩ მქეპანიკოსთა წრეზე დავდიოდი, ფილმების გაშვებას ვსწავლობდი. ჩვენს სიხარულს საზღვარი არ ჰქონდა, როცა ეკრანზე ჩვენ მიერ გაშვებული მოძრავი კინო ვნახეთ. ძალიან საყვარელი და საინტერესო ადამიანის, კამო კოჭლამაზაშვილის ხელმძღვანელობით.

სკოლის დამთავრებისთანავე ტელევიზიაში დავეინყე მუშაობა. ძალიან მიყვარს ჩემი პროფესია, უურუნალისტობა. პატარა კინოკამერით 40-მდე ქვეყანა მოვიარე, უამრავი გადაცემა და რეპორტაჟი მაქვს გაკეთებული. როცა 1976 წელს სასახლის მაშინდელმა დირექტორმა, ზურაბ ლომიძემ „პიონერფილმი“ დაბრუნება შემომთავაზა, უყოყმანოდ დავთანხმდი. მახსოვს, პედაგოგის ხელფასი მაშინ 28 მანეთი იყო. თუმცა, ენთუზიაზმი, საქმის სიყვარული, დირექციის მხარდაჭერა და ბავშვების ნიჭიერება ყოველგვარ მატერიალურზე მაღლა დგას.

ჩაში ბოშა საღებ რეზინას ჰყიდის, მას კი ფული არ აქვს. იხსნის ყელსახვევს და უცვლის საღებ რეზინში. ამ ფილმმა კინომოყვარულთა ფესტივალის მთავარი პრიზი აიღო. გოგისევე სცენარით გადავიღეთ 2-წუთიანი ფილმი, სახელწოდებით „ქილა“. ერთი შეხედვით, ამ ფილმში განსაკუთრებული თითქოს არაფერი იყო – გოგონა და ბიჭი ბაღში სხედან. მოულოდნელად გამოგორდება ქილა, რაც მათი გაცნობის მიზეზი ხდება. ფილმი მოსკოვში, საკავშირო კონკურსში მონაწილეობის მისაღებად გავაგზავნეთ. სექტემბერში, ფესტივალის დახურვაზე ავტორი და ხელმძღვანელი მიგვიწვიეს. როგორც წესი, დავგვიანებით მივედი, დიდი მოლოდინიც არ გვქონდა და ამიტომ, როცა IV, III, II ადგილები გამოაცხადეს, ავდექით და ის იყო, დარბაზი უნდა დაგვეტოვებინა, რომ გვესმის – „ფესტივალის მთავარი პრიზი მიენიჭა სტუდია „პიონერფილმის“ ნაწარმოებს „ქილა“, საქართველო, თბილისი“. ეს დიდი გამარჯვება იყო, რადგან ფესტივალში უამრავი სტუდია მონაწილეობდა, ჟიურის შემადგენლობაში კი სსრკ არტისტები და რეჟისორები იყვნენ. ჩვენი წარმატების საიდუმლო იმაში იყო, რომ ქართული თემაცა და გადაწყ-

მახსოვს, ერთხელ გიორგი ალექსიშვილმა ორი სცენარი მოიტანა. ხომ იცით, ყველა ბავშვი თავისებურია, ზოგი – გამორჩეულად უცნაური. გიორგის სცენარები, ერთდროულად, მაზოხისტურ-დისიდენტურ-ანარქისტული იყო. ერთს „ოცნება“ დავარქვი. ბავშვი მთელ ღამეს ოცნებაში ატარებს – ხვალ პიონერთა რიგებში უნდა მიიღონ. მეორე დღეს, ლენინის მუზეუმში, ნითელ ყელსახვევს გაუკეთებენ. სახლში დაბრუნებული ხედავს, ქუ-



# ყველაზე მნიშვნელოვანი კადრები

ლებენ ცხოველებს (ე.ი. ბავშვებს). სხვადასხვა ქვეყნის ხალხთა მუსიკაზე მღერიან და ცეკვავენ თავისუფლებით ბედნიერები. მოულოდნელად ვილაციის ხელი აურ-დაურევს აწყობილ კუბიკ-რუბიკს და მხიარულებას მყისვე შეცვლის ჩხუბი და აყალ-მაყალი - ძვირად დაუფადთ საცოდავ მხეცებს თავისუფლება და გარედან ჩარევა.

\*\*\*

იმ პერიოდში, სსრკ-ში, 2500-ზე მეტი ასეთი სტუდია, უამრავი პიონერთა სასახლე, ნორჩ ნატურალისტთა და ტექნიკოსთა სადგურები და შემოქმედებითი სტუდიები იყო. მაშინდელი უმაღლესი ფილდო - ჯერ საქართველოს ლენინური პრემია, ხოლო შემდეგ საკავშირო ლენინური პრემია - მხოლოდ ჩვენს „პიონერფილმს“ მიენიჭა. პრემია სადღესასწაულო საღამოზე, მოსკოვში როლან ბიკოვმა გადმოგვცა. ჩვენი დელეგაცია სამი ბავშვისგან შედგებოდა: თეა ჯეჯელავა (დღეს უკვე რეჟისორი), კახა ფირალიშვილი (კინომენეჯერი) და ლაშა ჟვანია (ეკონომიკის მინისტრი). ერთმანეთზე ნიჭიერი ბავშვები იყვნენ. საკავშირო ტელევიზიამ საგანგებო სიუჟეტი მიუძღვნა ამ ფაქტს. ჯილდოს ფულადი პრემიაც ახლდა, მაგრამ, ვიდრე ფული ჩაგვერიცხებოდა, ჩერნობილის ტრაგედია მოხდა და მთელი თანხა იმ ფონდში გადაირიცხა.

ეს იყო 1987 წელი.

\*\*\*

მთავარი განსხვავება, ქართველ და უცხოელ ბავშვებს შორის, თემატკაშია. კარგა ხანია, ჩვენთან სოციალურ თემაზე შექმნილი ფილმები სჭარბობს. ადრე რეზო ინანიშვილის, ანდრეი ჩუკოვსკის, იაკობ გოგებაშვილის მიხედვით იღებდნენ. 1988 წელს პუშკინის 200 წლისთავთან დაკავშირებით გამოცხადებულ კონკურსში მივიღეთ მონაწილეობა და „მებადური და ოქროს თევზის“ მიხედვით გადაღებულმა ფილმმა, 200 საკონკურსო ფილმს შორის, 1 ადგილი აიღო, სპეციალური პრიზი პუშკინის მუზეუმამაც გადმოგვცა. ამ ბოლო ხანებში კი ბავშვებს ისეთი სიუჟეტები მოაქვთ, რომ ვერაფერს ვიგებ, თუმცა, რაკი მათი სურვილია, ფილმს მაინც ვიღებთ. ახლაც გვაქვს ორი ასეთი სცენარი, ორივეს გადავიღებთ, ვინ იცის, იქნებ ეს საკუთარი „მეს“ პოვნისკენ გადადგმული ნა-

ბიჯია?! ასეთი მაგალითები ხომ უხვადაა ხელოვნების ისტორიაში. სხვათა შორის, პირველი ნაბიჯები სწორედ „პიონერფილმში“ გადადგეს ახლა უკვე ცნობილმა ჟურნალისტებმა: თამარ ლვინანიძემ, ნინო შუბლაძემ, თამარ კვერნაძემ და სხვებმა. ერთხელ გოგი დოლიძემ თქვა, თეატრალური უნივერსიტეტი „პიონერფილმის“ ფილიალიაო. ბუნებრივია, სასიამოვნოა ასეთი შეფასება. ჩვენი ხშირი სტუმრები არიან ცნობილი რეჟისორები: რეზო ჩხეიძე, მერაბ კოკოჩავილი და სხვები. მათი საუბრები კინოთი და ინტერესებული მოზარდებისთვის ძალზე სასარგებლოა. სხვათა შორის, რეჟისორები თავიანთი ფილმების საჩვენებლადაც მოდიან ჩვენთან და ბავშვების პირუთვნელ მოსაზრებებსაც ისმენენ.

\*\*\*

ყველაზე ლამაზი და ფოტოგენური შენობა თბილისში ჩვენი სასახლეა. ძირითადად, აქ ვიღებთ ყველაფერს, თუ გასვლა დაგვჭირდა, სასახლის ტრანსპორტს ვიყენებთ ან თავად მივდივართ. აი, ამ მაგიდის ირგვლივ ვიკრიბებით და რომელიმე ბავშვის იდეაზე სცენარს ვწერთ, ყველა გამოთქვამს საკუთარ მოსაზრებას და მიგვყავს იმ კონდიციამდე, როცა უკვე შესაძლებელია გადაღების დაწყება. ჩაპლინის გამონათქვამი - „ფილმი მზად არის, დარჩა მხოლოდ გადაღება“ - ბავშვებმა კარგად იციან და ფილმის გადაღებისთვის საჭირო ყველა ნიუანსის გათვალისწინებით, გადაღებისთვის ემზადებიან.

\*\*\*

ვერ ვიტყვი, რომ ამ ბავშვებს ბევრ რამეს ვასწავლი. მე არც სერგეი გერასიმოვი ვარ და არც ჩარლი ჩაპლინი. უბრალოდ, მიმაჩნია, რომ კარგად ვიცი ჩემი საქმე. სასახლეში რომ მუშაობ, პირველ რიგში, კარგი პედაგოგი უნდა იყო, ბავშვის უნდა გესმოდეს, უნდა ცდილობდე, დაეხმარო მას, ისწავლოს საკუთარი გრძნობების, აზრების თავისუფლად და გასაგებად გამოხატვა, იმ „ნამის“ შეგრძნება და დაჭერა, რომელიც აღარასდროს განმეორდება. ამიტომ ვამბობ, რომ შეიძლება ძალიან დიდმა რეჟისორმაც ვერ გააკეთოს ის, რასაც პედაგოგები: სვეტა მარჯანიშვილი, ქეთინო პატარაია, მარიკა თოფურია, ვახტანგ ჯოჯუა და სხვები აკეთებენ. ჩვენ-

თან პირველკლასელებიც კი მოდიან, ისინი თავიდანვე უნდა დაინტერესო არა მარტო კინოთი, ზოგადად, ხელოვნებით. ბავშვებს ერთფეროვნება სწყინდებათ, ამიტომ ხშირად ვთავაზობთ სხვადასხვა ხასიათის გასართობ ღონისძიებებს. ახლა „პიონერფილმში“ 80-მდე სხვადასხვა ასაკის, გემოვნების, ინტერესების მქონე მოზარდი დადის. ჩვენი ვალია, ყველა მათგანისთვის ერთნაირად საინტერესო იყოს სტუდიაში გატარებული დრო. შარშან, მაგალითად, ფოტოგამოფენა გავაკეთეთ „გაილიმეთ, ჩიტი გამოფრინდება“ - ჩვენი სტუდიის წევრები იღებდნენ სასახლის პედაგოგებს ერთადერთი მოთხოვნით - „გაილიმეთ“. არაჩვეულებრივი გამოფენა გამოვიდა.

\*\*\*

სწორედ მოსწავლე ახალგაზრდობის რესპუბლიკური სასახლის სტუდია „პიონერფილმის“ საერთაშორისო ასპარეზზე მიღწეული წარმატებების დამსახურებაა, რომ 1998 წელს საქართველო იუნესკოსთან არსებულ მსოფლიოს კინომოყვარულთა საზოგადოების - „უნიკა“ - 37-ე წევრი ქვეყანა გახდა.

\*\*\*

საიუბილეო ზეიმი მაისის ბოლოს - 28-29-30 მაისს გაიმართება. ტრადიციულად, ჩატარდება კინომოყვარულთა X ფესტივალი „თბილისური აისი“. სიძნელეების მიუხედავად, ნახევარსაუკუნოვან იუბილეს „პიონერფილმი“ ლამაზად და ორიგინალურად გადაიხდის, აუცილებლად გვეყოლებიან სტუმრები, ჩვენი ძველი და ახალი მეგობრები. მართალია, საქართველოში საგრძნობლად შემცირდა მსგავსი სტუდიების რაოდენობა, მაგრამ, სადაც დარჩა, გვინდა ყველას მივანდინოთ ხმა, მონაწილეობა მიიღონ ფესტივალში და, შესაბამისად, საიუბილეო ზეიმში. ახლა ხომ გაცილებით იოლია ფილმის გადაღება, ვიდრე ათეული წლების წინ. ნუ დაიზარებთ, შემოგვიერთდით საერთო ზეიმში!

1 ივნისს, მოსწავლე ახალგაზრდობის სასახლეში, საიუბილეო სხდომა გაიმართება, რომელიც სასახლის წინ „პიონერფილმის“ ვარსკვლავის გახსნით დასრულდება.

მომზადდა ანა ფირცხვანიშვილმა



აპირი დიდი შვილებისა

ასე მბონია, ჩემი მოთხრობებიდან მისტუმრენ



მწერალი და ლიტერატურათმცოდნე ნოდარ გრიგალაშვილი ასე აცოცხლებს ქართული ლიტერატურის კლასიკოსის დავით კლდიაშვილის და მისი მამის, აზნაურ სამსონ კლდიაშვილის სახეს: „ჩვენი საუკუნის (იგულისხმება XX საუკუნე მ.მ.) 30-იანი წლებია. სიმონეთში, მამა-პაპულ სახლში ზის ორი მოხუცი – მამა და შვილი სამსონ და დავით კლდიაშვილები და ისიზმრებენ წარსულს. მამა უფრო ყინვად არის, უფრო იმედიანად, მხიარულად. დავითი ჯანგატეხილია, მონყენილი, მარტობით შეწუხებული. დრო და დრო დავითი სამსონისა და მისი ძველი მეგობრების საუბარს უგდებს ყურს და ერთობა ძველი ტიპიური აზნაურების ტრაბახით“ (ნ. გრიგალაშვილი, სკოლაში შესასწავლი ქართველი მწერლები. თბ. 1990, გვ.142).

მწერალი და ლიტერატურათმცოდნე ნოდარ გრიგალაშვილი ასე აცოცხლებს ქართული ლიტერატურის კლასიკოსის დავით კლდიაშვილის და მისი მამის, აზნაურ სამსონ კლდიაშვილის სახეს: „ჩვენი საუკუნის (იგულისხმება XX საუკუნე მ.მ.) 30-იანი წლებია. სიმონეთში, მამა-პაპულ სახლში ზის ორი მოხუცი – მამა და შვილი სამსონ და დავით კლდიაშვილები და ისიზმრებენ წარსულს. მამა უფრო ყინვად არის, უფრო იმედიანად, მხიარულად. დავითი ჯანგატეხილია, მონყენილი, მარტობით შეწუხებული. დრო და დრო დავითი სამსონისა და მისი ძველი მეგობრების საუბარს უგდებს ყურს და ერთობა ძველი ტიპიური აზნაურების ტრაბახით“ (ნ. გრიგალაშვილი, სკოლაში შესასწავლი ქართველი მწერლები. თბ. 1990, გვ.142).

რავს „დაზარალებულ“ სამსონს და მისი ყოფილი უფროსი ქუთაისიდან გაუძევებიათ“ (იქვე). თვითონ მწერალი ასე ახასიათებდა მშობელს: „იცოდა ლამაზი როგორც ქართული, ისე რუსული წერა, მუყაითი, მოხერხებული, კარგად გაუძღვა თავის სამსახურს, და ცოცხალმა, ლამაზმა, კოლეუ-სკი რეგისტრატორის ჩინით დაჯილდოებულმა ყმაწვილმა იმდენი მოახერხა, რომ თავი მოაწონა მდიდარ მებატონეს და შეერთო მისი ერთადერთი ქალიშვილი ცოლად“ (დ. კლდიაშვილი, ჩემი ცხოვრების გზაზე, მოთხრობები, 1961, გვ. 11).



ნ. გრიგალაშვილი

მას. უცაბედად რომ შეგეხებათ დავითის მამისათვის, სამსონისათვის, დავითისაგან იქნებ ვერც კი გაგერჩიათ. სახით ერთმანეთს ძალიან ჰგავდნენ. „ბაბუა სამსონი ღრმად მოხუცი მახსოვს. ყოველთვის მხნე, მოძრავი, მოუსვენარი“ (ს. კლდიაშვილი, დასახ. წიგნი; გვ. 427).

ავტობიოგრაფია

ბიოლოგიის გაკვეთილი. IX კლასი

გაკვეთილის თემა: ვიტამინები.
გაკვეთილის მიზანი: მოსწავლეებმა შეძლონ ზოგიერთი ვიტამინის დახასიათება, გაეცნონ მათ ფუნქციებს, გააცნობიერონ ვიტამინების მნიშვნელობა ორგანიზმისათვის.
გამოყენებული მასალა: თაბახის ფურცლები, ცხრილი, სქემა, ფურცლები დაბეჭდილი ტექსტებით.
გაკვეთილის დრო: 45 წთ.
გაკვეთილის მსვლელობა
მოსწავლეებს ვთხოვ, გაიხსენონ, თუ რომელი ნივთიერებები ესაჭიროება ადამიანის ორგანიზმს ნორმალური ფუნქციონირებისათვის (მოსწავლეები დაასახელებენ ცილებს, ცხიმებს, ნახშირწყლებს, მარილებს, წყალს, ვიტამინებს. თუ ვიტამინები ვერ გაიხსენეს, დავუხმარებთ კითხვების მეშვეობით, მინიშნებებით) (1 წთ.).
შემდეგ მოსწავლეებს ვკითხავ, თუ რა იციან ვიტამინების შესახებ. იმართება დისკუსია (2წთ.).
კლასს მივმართავ, რომ დღეს სწორედ ვიტამინების შესახებ გვექნება საუბარი. ვიტამინები ორგანიზმი ნივთიერებებია, რომლებიც ორგანიზმს მცირე რაოდენობით ესაჭიროება, თუმცა, მათ უდიდესი მნიშვნელობა აქვთ, რადგანაც ორგანიზმში მრავალ მნიშვნელოვან პროცესს არეგულირებენ. ტერმინი ვიტამინი, რომელიც ითარგმნება როგორც „სასიცოცხლო ამინი“ – შემოიღო ფუნკმა 1917 წელს. ვიტამინები ბიოლოგიურად აქტიური ნივთიერებებია, მათი უმრავლესობა ამინოჯგუფს შეიცავს, თუმცა ყველა მათგანი – არა. დღეისათვის 25-ზე მეტი ვიტამინია ცნობილი და სიმარტივისთვის მათ ლათინური ასოებით აღნიშნავენ: A, B, C, D, E, K და ა.შ.
ვიტამინების უმრავლესობა ორგანიზმში საკვებთან ერთად ხვდება. ვიტამინები ორგანიზმში მრავალ ფუნქციას ასრულებენ, მათი ნაკლებობა ავიტამინოზის სახელითაა ცნობილი, ხოლო მომატებული რაოდენობა – ჰიპერვიტამინოზის (3 წთ.). საუბრის შემდეგ კლასს დავყოფ ჯგუფებად, დავურიგებ წინასწარ მომზადებულ ტექსტებს, სადაც გადმოცემულია ინფორმაცია ვიტამინების შესახებ (სასურველია, თითოეულმა ჯგუფმა ორი ვიტამინი დაახასიათოს), და ცხრილს, რომელიც ჯგუფმა ტექსტის ანალიზის შემდეგ უნდა შეავსოს.

პრეზენტაციები – 10 წთ.
მოსწავლეებს დასამუშავებლად შემდეგ ინფორმაციას ვთავაზობ:
1) ვიტამინი A – აუცილებელია ზრდისთვის, ხელს უწყობს უჯრედების გამრავლებას, ანელებს დაბერების პროცესს. A ვიტამინის ნაკლებობისას ვითარდება დაავადება, რომელიც „ქათმის სიბრძნის“ სახელითაა ცნობილი. ასეთი ადამიანები ცუდად ხედავენ შებინდებისას. ბავშვებში A ვიტამინის ნაკლებობა იწვევს ზრდის შეფერხებას, კბილების და თმის დაზიანებას, ზიანდება ფილტვები და ნაწლავები.
A ვიტამინით მდიდარი საკვებია: ხორცი, რძე, ღვიძლი, თევზის ქონი, კვერცხის გული, სტაფილო, პომიდორი, წითელი წიწაკა.
2) ვიტამინი C – ასკორბინის მჟავა არეგულირებს ორგანიზმის ჰორმონალურ ფუნქციებს, განვითარების პროცესებს, ზრდის ორგანიზმის მდგრადობას ინფექციური დაავადებების მიმართ. C ვიტამინის ნაკლებობისას ვითარდება დაავადება, სახელწოდებით „ცინგა“. ამ დაავადების სიმპტომებია: ღრძილებიდან სისხლდენა, კბილების ჩამოცვენა, სისხლძარღვების კედლების დაზიანება, სახსრების ტკივილი, ანემია, ზოგადი სისუსტე.
C – ვიტამინით მდიდარი საკვებია: ასკილი, კომბოსტო, კარტოფილი, ოხრახუმი, ხახვი, ნიორი, შავი მოცხარი, ციტრუსები.
3) ვიტამინი D – არეგულირებს ორგანიზმში კალციუმისა და ფოსფორის ცვლას. წარმოიქმნება ულტრაიისფერი სხივების ზეგავლენით კანში.
D ვიტამინის ნაკლებობისას ბავშვებში ვითარდება დაავადება რაქიტი. რაქიტის დროს ძვლებში მარილების შემცველობა შემცირებულია, ამიტომ ფერხდება ზრდა, ჩონჩხი არასწორად ვითარდება, მრუდდება ფეხები, თავის ქალა დიდი ზომისაა, შეცვლილია გულ-მკერდის ყაფაზი, ბავშვს გადიდებული აქვს მუცელი.
ზრდასრულ ასაკში D ვიტამინის ნაკლებობა იწვევს ძვლების „დარბილებას“, რაც ხშირი მოტეხილობების მიზეზი ხდება.
D ვიტამინით მდიდარი საკვებია: კარაქი, ნაღები, კვერცხის გული, ღვიძლი, თევზის ქონი.
4) ვიტამინი E – ზემოქმედებას ახდენს სასქესო და ენდოკრინულ ჯირკვლებზე, აუცილებელია სხვა ჯგუფის ვიტამინების შესათვისებლად, არეგულირებს ენერგეტიკულ ბალანსს.
E ვიტამინის ნაკლებობისას ვითარდება უშვილობა, კუნთების დისტროფია (განლევა).
E ვიტამინით მდიდარი საკვებია: არაქისი, მცენარეული ზეთები (ზეითუნის, სიმინდის, მზუსმზირის), ბოსტნეულის მწვანე ნაწილები, კვერცხი.
5) ვიტამინი K – არეგულირებს სისხლის შედეგების პროცესს. K ვიტამინის ნაკლებობისას ვითარდება სისხლდენები, განსაკუთრებით ცხვირიდან.

K ვიტამინით მდიდარი საკვებია: სოიოს ზეთი, ღვიძლი, კაკალი, სალათის ფურცლები, არაქისი.
K ვიტამინი აგრეთვე წარმოიქმნება ნაწლავში ნაწლავის ბაქტერიების მეშვეობით, ამიტომ, ჰიპოვიტამინოზი შესაძლოა ანტიბიოტიკების ხანგრძლივად მიღების შედეგადც განვითარდეს.
შემდეგ მოსწავლეებს შევთავაზებ შეადგინონ საკუთარი დღიური რაციონი ისე, რომ მიიღონ ყველა საჭირო ვიტამინი, ასევე გაითვალისწინონ, რომ საკვები უნდა შეიცავდეს ცილებს, ცხიმებს და ნახშირწყლებს (რაციონის შედგენისას მოსწავლეები არ ითვალისწინებენ კონკრეტული ვიტამინების და სხვა საკვები ნივთიერებების რაოდენობრივ მახასიათებლებს. მთავარია, რაციონი ისე იქნას შედგენილი, რომ საკვები შეიცავდეს ყველა შესწავლილ ვიტამინს, ცილებს, ცხიმებს და ნახშირწყლებს) (5 წთ.).
პრეზენტაციები – 10 წთ.
გაკვეთილის შეჯამების მიზნით, მოსწავლეებს შევთავაზებ, ინდივიდუალურად შეასრულონ შემდეგი დავალება: ხაზებით დააკვირონ შესაბამისი ვიტამინი მის ფუნქციასთან.
მონანილომოს სისხლის შედეგადავი
მას გამრავლების ვიტამინს უწოდებენ
A C
D E
K
კარბინა მხედველობისთვის
მონანილომოს კალციუმისა და ფოსფორის ცვლაში
სტიმულს აძლევს იმუნურ სისტემას.
დავალებას შევამოწმებ ფრონტალური კითხვების საშუალებით (1 წთ.).
გაკვეთილის დასასრულს მოსწავლეებს ვეცვი, რომ ჩვენ ყველა ვიტამინი არ განვიხილავს, არსებობს B ვიტამინების დიდი ჯგუფი, რომლებიც განაპირობებენ ნერვული სისტემის, გულ-სისხლძარღვთა სისტემის, კუნთების ნორმალურ ფუნქციონირებას. მოსწავლეებს ვთხოვ, შემდეგი გაკვეთილისთვის მოიძიონ ინფორმაცია B1, B2, B6 და B12 ვიტამინების შესახებ და წარმოადგინონ პრეზენტაციის სახით.

Table with 4 columns: ვიტამინი, ფუნქცია, ავიტამინოზით გამოწვეული სიმპტომები, აღნიშნული ვიტამინით მდიდარი საკვები

(10 წთ.)

ნათა გიჭიკაშვილი
ბიოლოგიის მეცნიერებათა კანდიდატი
გაეროს ასოციაციის საერთაშორისო სკოლა



აბაზი დიდი შვილასისა

ხნის მანძილზე მამა-შვილს შორის უსიამოვნება ჩამოვარდა, მაგრამ მალე მას მეორე ცოლიც გარდაეცვალა და დავითმაც გული მოიბრუნა მოხუც მამაზე.

სამსონის დაუდევარი, უცნაური ბუნება ვერ ეგუებოდა ძველი დიდებისა თუ კუდაბზიკობის ერთგვარ დაკნინებას. ამაზე ერთი ფაქტიც მეტყველებს: „როცა სამსონი გარდაიცვალა, მის ქალაქებში ვიპოვეთ დავითის წინააღმდეგ დაწერილი საჩივარი მიმართვით: „უმაღლეს მთავრობას“. საჩივარი ასე იწყებოდა:

„შვილმან ჩემმან ოტსტავენოი პოლოკონიკ-მა დავით კლდიაშვილმან“.

სამსონი ჩიოდა, რომ ადგილ-მამული გაუზომეს და მინა ჩამოართვეს შვილის მიზეზით. რა შუაში იყო აქ დავითი? უკვე საბჭოთა ხელისუფლება იყო ჩვენში, მაგრამ სამსონი ამას ანგარიშს არ უწევდა.

მამამ რომ წაიკითხა, გაელიმა.

– რა მშვენიერად დაუნერია, – მოსწონდა დავითს, – საცოდავი მამაჩემი ნიჭიერი კაცი იყო. დავითს მაინც უყვარდა ის და მკვდარს მწუხარებით დასტიროდა“ (ს. კლდიაშვილი, დასახ. ნიგნი, გვ. 423).

და მაინც, დავით კლდიაშვილისათვის მამამისი იმ პერსონაჟებს ჰგავდა, რომელთა გამოქანდაკებას მან მთელი თავისი სიცოცხლე შესწირა. ამიტომაც სიამოვნებდა მისი საუბრის მოსმენა და თვითონაც მოხუცებული თავს ბედნიერად გრძნობდა, როცა მამის ბუნება მისთვის კიდევ ერთხელ ხდებოდა ხელშესახები. ამ მხრივ ძალზე საყურადღებო და შთაბეჭდილებას სტრგო კლდიაშვილის ერთი მოგონება, რომელშიც კარგად ჩანს დიდი მწერლის დამოკიდებულება მამისადმი, რომელიც ამავე დროს მისთვის საინტერესო იყო, როგორც ტიპი იმ საზოგადოებისა, რომელსაც მწერლის ფიქრი უტრიალებდა: „დავითის მამას, ბაბუა სამსონს, სიმონეთში ძველი მეგობარი ესტუმრა, მაღალი, ტანწვრი-



ლი, გრძელწვერა აზნაური, ჩოხა ქამართან გაცრეცილი, რუსული ჩექმები, ქამარი ოდეს-ღაც ვერცხლით მოჭედილი ჰქონია. ახლა უმეტესად ტყავი დარჩენილა.

მრავალი წელიწადია ბაბუა და მისი სტუმარი ერთმანეთს იცნობენ! წარსულში რამდენი ტკბილი დღე ახსოვთ!

ბაბუა სამსონი მეგობარს გვერდით უზის, უმასპინძლებდა, ღვინოს უსხამს და უამბობს:

– არაფერი მაკლია ჩემო სიმონ... აქ შემომხედე, ხომ კარგად გახსოვარ მე, სამსონ კლდიაშვილი? პო და, ახლა უფრო უკეთესად ვარ. სავსე ვარ ყველაფრით!

ბაბუა სამსონი პირდაპირ ზღაპარს უამბობს თავისი ვენახის, ყანების, ციციქასა და კრახუნას ღვინით სავსე ქვევრების შესახებ. მეგობარიც ცდილობს გაახაროს ბაბუა სამსონი:



– ვერც მე დავემდურები ღმერთს, ჩემო სამსონ, შვილებმაც ძალიან შემინყეს ხელი. ისე ვცხოვრობ, რომ ჩემთან მოსვლა გესიამოვნება. ასე კაცი რომ უეცრად მესტუმროს, მეზობლისას ერთი ჭიქის სათხოვნელადაც არ დამჭირდება გადასვლა, მე გეტყვი, არ მაქვს. ორივე დიდხანს ტრაბახობს, სვამენ ერთმანეთის სადღეგრძელოს, წარსულს იხსენებენ და ერთმანეთს ულოცავენ კმაყოფილ ცხოვრებას.

– დათიკო, დალილი ხარ, მოისვენე! – ეუბნება ნასადილევს დედაჩემი.

– ცოტა ხანს კიდევ, ცოტა ხანს! არ დგება მამა, ასე მგონია ჩემი მოთხოვნიდან მესტუმრენ!..

დახრილი თავი გრძელი თითების სვეტებზე დაუდვია და თვალდახუჭული უსმენს ორი მოხუცი აზნაურის საუბარს“ (ს. კლდიაშვილი, დასახ. ნიგნი, იქვე).

საოცარი სურათია... მართლაც ჰგავს ეს ეპიზოდი დიდი მწერლის ნაწარმოებთა საერთო ქარგას, ხასიათს, თუნდაც იდეას. მისი პერსონაჟებიც ხომ სწორედ ასეთები არიან.

დავითს არ სჭირდებოდა თავისი ნაწარმოებების პროტოტიპების ძიება. ერთი ასეთი კოლორიტული სახე მას თავისივე ოჯახში ჰყავდა. ეს იყო მამამისი – სამსონ კლდიაშვილი, ტიპური აზნაური, ყოველგვარ დროსა და მდგომარეობაზე განზე მდგომი ადამიანი, რომლისთვისაც წარსული ქცეულიყო თავისი ცხოვრების მანუგეშებლად, თვითონაც, თითქოს წარსულში დარჩენილიყო და ახალ ცხოვრებას აინუნშიც არ ადგებდა. მისთვის ყველაფერი უწინდელი დროით განისაზღვრებოდა, ამიტომაც იყო საინტერესო და შთაბეჭდილებით მისი კოლორიტული პიროვნება.

მურად მთვარელიძე

ათოქიკა

სახალისო ცდები ქიმიკში

ვაბრძელავთ თქვენთვის ახალ-ახალი სახალისო ცდების შერჩევას ქიმიკდან

წყაროს ცივი წყალი ზაფხულის პაპანაძეებში

განეორ ქილაში ნახევრამდე ჩასახით წყალი და შიგ გახსენით ამონიუმის ნიტრატის კრისტალები ნაჯერი ხსნარის დამზადებამდე. თქვენ დაინახავთ, როგორ დაიფარება ორთქლით ქილის კედლები გარედან. ეს გამოიწვევა ქილის გაცივებამ. ცივ ზედაპირზე ხომ ყოველთვის კონდენსირდება ჰაერში არსებული წყლის ორთქლი.


ჩადეთ მიღებულ ხსნარში დასალევეად აღებული წყალი თხელკედლიანი ან მინის ჭიქით. რამდენიმე წუთში თქვენ შეგიძლიათ დატკბეთ „წყაროს“ ცივი წყლით.

დასალევი წყლის გაცივების ამ მეთოდს ხშირად იყენებენ გლეხები მინდორში მუშაობის დროს. წყარო შორს არის. კოკაში კი წყალი ისე გათბა, რომ წყურვილს ვერ კლავს. თუ მინდორში ამონიუმინიტრატის სასუქი აქვთ, მას აუცილებლად გამოიყენებენ წყლის გასაცივებლად. თბილწყლიან კოკას ჩადგამენ სასუქის წყალხსნარს ვედროში და რამდენიმე წუთის შემდეგ გამაცოცხლებელი ცივი წყალიც მზად არის.

ერთი მოლი ამონიუმის ნიტრატის წყალში გახსნისას შთანთქმება 6.32 კილოკალორია სითბო.

დარჩენილი ამონიუმის ნიტრატის ხსნარი არ გადაღვაროთ. იგი შეიძლება მცენარეების მოსარწყავად გამოიყენოთ ან ცეცხლზე დადგათ, ამოაშროთ და შეინახოთ შემდეგი გამოყენებისთვის.

ამოშრობისას სიფრთხილეა საჭირო, რათა მარილი აირებად არ დაიშალოს. როგორც კი გამხსნელის წყალი ამოშრება, გაცხელება მაშინვე უნდა შეწყვიტოთ. ოდნავ წყლისანიც კი უნდა იყოს და ბოლო წყლის წვეთები ჰაერზე უნდა ამოაშროთ ან კრისტალები ფილტრის ქაღალდით უნდა გააშროთ. წინააღმდეგ შემთხვევაში ამონიუმის ნიტრატი მთლიანად აქროლდება:



როგორც აღვნიშნეთ, ეს ცდა საკმაოდ მნიშვნელოვანია პრაქტიკული თვალსაზრისით.

სით. ვინაიდან ამონიუმის ნიტრატის წყალში გახსნა სითბოს შთანთქმით მიმდინარეობს, მსგავსი ქიმიური გაცივებით ხელოვნური თოვლის მიღებაც შეიძლება. ადრე ასეც ღებულბოდნენ მას, ოღონდ გარკვეული რეაქტივების დამატებით.

ამ ცდით კარგად ჩანს, რომ ხსნარი მარტივი ნარევი არ არის. უმეტეს შემთხვევაში გახსნილი ნივთიერება ქიმიურად ურთიერთქმედებს წყლის ნაწილთან და ხან ზრდის და ხან ამცირებს გამხსნელის დუღილის ტემპერატურას.

ახლა გაიხსენეთ გოგირდმჟავას წყალში გახსნა. მას დიდი რაოდენობით სითბოს გამოყოფა ახასიათებს.

ასევე სითბოს გამოყოფა ახასიათებს ზოგიერთი უწყლო მარილის წყალში გახსნასა და მის დაკრისტალებას. ამ პრინციპზე დაფუძნებული „ქიმიური სათბურის“ მუშაობა. მას დიდი გამოყენება აქვს მედიცინაში, ავადმყოფებისთვის თბილი კომპრესის დასადგებად. ეს არის რეზინის ბალიში, რომელიც ავსებულია ნატრიუმის ძმარმჟავა მარილის (ნატრიუმის აცეტატის) კრისტალჰიდრატის კრისტალებით. ბალიშს იქამდე ათბობენ, სანამ კრისტალჰიდრატი არ გადნება და არ გაიხსნება საკუთარ კრისტალიზაციურ წყალში. გათბობისას კრისტალჰიდრატი გარემოდან შთანთქმავს სითბოს და იშლება უწყლო მარილად და წყლად.

გათბობის შეწყვეტის შემდეგ იწყება შებრუნებული პროცესი. უწყლო მარილი უერთდება კრისტალიზაციურ წყალს, დაკრისტალდება და უკან გამოყოფს იმ სითბოს, რომელიც თავდაპირველად მიიღო ბალიშის გათბობის დროს. პროცესი ხანგრძლივია და ბალიში დიდხანს ინარჩუნებს სითბოს.

თითქმის არ არსებობს ქიმიური რეაქცია, რომელსაც ადამიანი ვერ გამოიყენებს ამა თუ იმ დანიშნულებით. საჭიროა მხოლოდ ცოდნა და ფანტაზიის უნარი.


აღწერილი ცდები შესანიშნავი შესავალია იმისათვის, რომ მოსწავლეებს ესაუბროთ: ენდოთერმულ და ეგზოთერმულ რეაქციებზე; ფიზიკურ, ქიმიურ და ქიმიურ-ფიზიკურ

მოვლენებზე. საინტერესოა ისიც, რომ ბუნებაში ურთიერთმომიჯნავე პროცესებში ზუსტი ზღვარის გავლება თითქმის შეუძლებელია, ყოველთვის აღმოჩნდება ხოლმე რაღაც გარდამავალი. სწორედ ამის მაგალითია ხსნარები და გახსნა-დაკრისტალება. ისინი რაღაც შუალედურ რგოლს წარმოადგენენ ფიზიკურ და ქიმიურ პროცესებს შორის. მას სწავლობს მეცნიერება – ფიზიკური ქიმია.

მსგავსი პროცესები მიმდინარეობს კალციუმის ოქსიდის წყალში გახსნის დროსაც. ამიტომ ამ ცდასაც აქვე აღვწერ.

უცეცხლოდ კვერცხის მოხარება

ფაიფურის დიდ ჭიქაში ან თიხის ქოთანში ჩაყარეთ ერთი-ორი სუფრის კოვზი ჩაუმქრალი კირი CaO, შეიძლება ფხვნილის მაგიერ ნატეხების გამოყენება. დაადეთ ზედ უმი კვერცხი, დაასხით ნახევარი ჭიქა წყალი. ნარევი ისე გაცხელდება, რომ ჭარბი წყალი ადუღდება. ერთი მოლი ჩაუმქრალი კირის წყალში გახსნით 16 კილოკალორია სითბო გამოიყოფა:



ქოთანს დააცადეთ გაგრილება და ამოიღეთ კვერცხი. ნაჭუჭის გატეხვისა და მოცილების შემდეგ დარწმუნდებით, რომ „საუზმე“ მზად არის.

ახლა, კიდევ უფრო ეფექტური ცდა მინდა შემოგთავაზოთ.


ვულკანი სინჯარაში

წინასწარ გაამზადეთ, დაახლოებით, მინდვრის ლობიოს ზომის ნახშირისა და გოგირდის რამდენიმე ნატეხი და სასაგნე მინაზე დააწყეთ. შტატივზე ვერტიკალურად დაამაგრეთ სინჯარა. მასში ჩაყარეთ ერთი ჩაის კოვზი კალიუმის ნიტრატის KNO3 ფხვნილი და ჩააგდეთ ერთი ნატეხი ნახშირი. სინჯარას შეუწითეთ სპირტქურა. მარილის გადნობისთანავე აინთება ნახშირი. სპირტქურა მოაცილეთ და სინჯარაში გოგირდის ნატეხი ჩააგდეთ. ცეცხლი უფრო გაძლიერდება. სინჯარაში ნახშირი და გოგირდი რიგრიგობით

უმატეთ. ცეცხლი ისე გაძლიერდება, რომ შეიძლება სინჯარა გალღვეს. სანახაობა ნამდვილ ვულკანს მოგვაგონებს (შავი ღვინის წვა).



უსაფრთხოებისათვის სინჯარის ქვეშ, მაგიდაზე, ქვიშიანი ჯამი უნდა იდგეს. სინჯარის გაღობისა და ჩამოღვენის შემთხვევაში მაგიდა არ დაინეება.



ეს ცდა უამრავ თეორიულ მასალას შეგიძლიათ დაუკავშიროთ. მაგალითად, ესენია: აალების ტემპერატურა, რა არის სანჯავი, რა როლი აკისრია გოგირდს ამ რეაქციაში და ასანთის წარმოებაში, რა მოვლენაა ვულკანი, როგორი მზადყოფნა უნდა იყოს იმ ქვეყნებში, სადაც ვულკანური მთები არსებობს და ა.შ. მასალა უზღვევია.

გისურვებთ წარმატებებს.

მარიამ სურგულაძე

# + 1°, ანუ „ბაამნვანა“



„ქვეყანა ეს არს ფრიად ტყიანი მთით ბარამდე და მცირე ველოვანი.“ ვახუშტი ბაგრატიონი

თბილისის 144-ე საჯარო სკოლა (დირექტორი – მანანა კიკაჩიანი) გამოირჩევა მრავალი საინტერესო ეკოლოგიური პროექტით, ღია გაკვეთილით, სხვადასხვა მუსიკალურ-ლიტერატურული კომპოზიციით, სათემო ღონისძიებით, რისთვისაც რამდენჯერმე რესპუბლიკის მასშტაბით დაჯილდოვდა.

ერთ-ერთი მნიშვნელოვანი იყო აპრილის თვეში VIII კლასში (დამრიგებელი – ლატარა პავლაძე) ჩატარებული ღია გაკვეთილი ბიოლოგიაში (მასწავლებელი – ლალი ედიბერიძე), VII კლასის სახელმძღვანელოში (ავტორები – რამაზ გოხელაშვილი, ნინო ლალიძე) მითითებული დავალება აღნიშნულმა კლასმა ბრწყინვალედ შეასრულა, კერძოდ, მათ უნდა მიემართათ სკოლის მახლობლად მოქმედ ბუნებისდაცვითი ორგანიზაციებისათვის და მოეძიათ ინფორმაცია კრწანისის რაიონის ბიომრავალფეროვნების შესახებ. მოსწავლეებმა: **თამაზ კარგარეთელი, ანა მელქაძე, მარიამ ლლონტა, ნინო**

**კახლაშვილი, ნანა ოსეფაშვილი** – ბიოლოგიის მასწავლებელთან **ლალი ედიბერიძესთან** ერთად, მიმართეს გარემოს დაცვის და ბუნებრივი რესურსების სამინისტროს სატყეო დეპარტამენტის თავმჯდომარის მოადგილეს, ბატონ **დიმიტრი ლლონტს**, გარემოს დაცვის ინსპექციის ანალიტიკური სამსახურის უფროსს, ქალბატონ **ელენე იაკობიძეს**, ბიომრავალფეროვნების დაცვის სამსახურის მთავარ სპეციალისტს, ქალბატონ **ნონა ხელიას**, დაცული ტერიტორიების სააგენტოს ეკოგანათლების და ინტერპრეტაციის სპეციალისტს, ქალბატონ **ნატო სულთანშვილს**, არასამთავრობო ორგანიზაციის „CENN“-ის ბიომრავალფეროვნების კოორდინატორს საქართველოში, ქალბატონ **ნინო გვაზავას**. მიღებული კონსულტაციების, მასწავლებლის და მოსწავლეების დაულაღვი შრომის შედეგი იყო აპრილში ჩატარებული საჩვენებელი ტიპის, შემაჯამებელი გაკვეთილი თემაზე „ეკოსისტემები და ბიომრავალფეროვნება“ სასკოლო პროექტის „გლობალური დათბობის“ ფარგლებში. სკოლის დირექტორთან ერთად, გაკვეთილს ესწრე-



ბოდნენ სტუმრები – გარემოს დაცვის სამინისტროს წამყვანი სპეციალისტები: **ელენე იაკობიძე, ნატო სულთანშვილი, მათა ჩხოპაძე** (არასამთავრობო ორგანიზაცია „CENN“), **ნინო შავგულიძე**. გაკვეთილის მიზანი იყო მოსწავლეებს გამოეხატათ, თუ რატომ დაინტერესდა მთელი მსოფლიო ბიომრავალფეროვნებით; რა საიდუმლო ინახება ამ ტერმინის მიღმა; რას ნიშნავს ბიომრავალფეროვნების კლება; კონსერვაცია; რა საფრთხეები შეექმნება დღეისთვის სიცოცხლეს დედამიწაზე? ამავე დროულად აღწერა, დაკვირვება, ანალიზის და ჰიპოთეზის გამოთქმის უნარ-ჩვევების განვითარება. მოსწავლეებმა აღნიშნეს, რომ ეკოსისტემათა ერთიანობა ქმნის ბიოსფეროს. ბუნებრივ ეკოსისტემებს უნარი აქვთ დაგვიცვათ ავადმყოფობისაგან, კლიმატის ცვლილებებისა და სტიქიური უბედურებისაგან. მოსწავლეები ამ პრობლემაზე დაინტერესდნენ, მოიძიეს მასალები საინტერესო და მნიშვნელოვანი თემები წარმოადგინეს, გარკვეული ცოდნა შეიძინეს და თანატოლებსაც საჭირო ინფორმაცია მიანოდეს. განსაკუთრებით ყურადღება

მიაკციეს მწვანე ნერგების დარგვას და ეკოლოგიური გარემოს გამწვანებას. გაკვეთილი დაიწყო მუსიკის ფონზე, „წყლის წვეთის თავგადასავლით“, რომელიც მხატვრულად წაიკითხა **მარიამ ლლონტა**, მას მოჰყვა ინსცენირება სტრატეგიით „როლური თამაში“ (მოსწავლეები – **თამაზ კარგარეთელი** და **ანანო დავლიანი**) „CENN“-ის მიერ გამოცემული ეუთოს მისიის ფინანსური მხარდაჭერით დაბეჭდილი ბუკლეტის „გაამწვანე“ მიხედვით. წვდომისათვის დაურიგდათ ბუნება პრინტის (დირექტორი – ქალბატონი **ლელა აზნაშვილი**) შურნალის „მშვენიერი საქართველო“ სხვადასხვა ნომრები. ტექსტიდან ნაცნობი საკითხების ამოცნობის სტრატეგიის – ვიცი-მინდა ვიცოდე – გამოყენებით მოსწავლეებმა კარგად გაართვეს თავი დავალებას. ტესტების და საკონტროლო კითხვების მიხედვით გამოამჟღავნეს განვლილი მასალის საფუძვლიანი ცოდნა. თითქმის მთელი კლასი იყო აქტიურად ჩართული, შეფასებაც შესაბამისად დაიმსახურეს, მოსწავლეთა 80-100%-მა 8-9-10 ქულა მიიღო.

იყო ინტერნეტი, ვიდეოფილმები, „საქართველოს მთიანი ტყეები“ იყო ნაჩვენები პროექტორით. მოსწავლეებმა წარმოადგინეს ლოკალურ გარემოზე ადამიანის უარყოფითი და დადებითი ზემოქმედების ფაქტები სასკოლო შურნალის „ადამიანი და ბუნება“ მიხედვით, იმსჯელეს შედეგებზე და გამოთქვეს მოსაზრება პრობლემის გადაჭრის გზების შესახებ. ბიოლოგიის მასწავლებელი მადლობას უხდის როგორც სამთავრობო, ასევე არასამთავრობო ორგანიზაციების – „CENN“, „ბუდე“-ს ხელმძღვანელებს და მომავალშიც სიამოვნებით დაგეგმავს თანამშრომლობას ყველა იმ ორგანიზაციებთან, რომლებიც არ დაიშურებენ ენერჯის ამომავალი თაობის სწორი ეკოლოგიური აღზრდისთვის. ამ კეთილშობილურ საქმეში დიდი წვლილი მიუძღვით სკოლის დირექტორს, ქალბატონ **მანანა კიკაჩიშვილს**, და დირექტორის მოადგილეებს სასწავლო დარგში – **ეკა რაინაულს**, აღმზრდელით დარგში – **შორენა ზარდიაშვილს**.

გაკვეთილზე გამოყენებული

მარინა პენიძე

## „მათ ხსოვნას ქვეყანა სანთლებად აინთებს...“

1989 წლის 9 აპრილი... მრავალტანჯულ საქართველოს სულსა და გულს, სხეულს სამუდამოდ დააჩნდა კიდევ ერთი ჭრილობა, ქართული მინა კვლავ განიბანა მონამებრივი სისხლით.

თავისუფლებისა და დამოუკიდებლობისაკენ მომხმობ სიტყვას, ქრისტეს ჯვარს, წმინდა გიორგის დროშას, ღვთისმშობლის ხატებსა და წმინდა სანთლებს საბჭოთა რეჟიმმა ტანკები, ალესილი ნიჩბები, ხელკეტები, ტყვია და ქიმიური იარაღი დაუპირისპირა.

გოდება გემართებს უმანკო მსხვერპლთა გამო, მაგრამ ნუგეშად ის გვრჩება, რომ მათი წმინდა სისხლი ტყუილბურალოდ არ დაღვრილა, იგი საქართველოს ერთიანობის, ეროვნული სიმტკიცის დულაბად იქცა: „თავისუფლება სულს ისე მოსწყურდა, ვით დაჭრილი ირმების გუნდს წყარო ანკარა!“ მარად და ყველგან საქართველოვ მე ვარ შენთანა!..

ესენი არიან: თამრიკო ჭოველიძე, ნათია ბაშალიშვილი, ეკა ბეჟანიშვილი, აზა ადამია, თამრიკო დოლიძე, ნატო გიორგაძე, მარინა ჭყონია-სამარგულიანი, ნანა სამარგულიანი, მზია ჯინჭარაძე, თამარ მამულაშვილი, მანანა მელქაძე, ნინო თოიძე, ზაირა კიკვიძე, თინა ენუქიძე-ლეკიშვილი, მანანა დოლიძე, ელისო ჭიპაშვილი, შალვა ქვასროლიაშვილი, მამუკა ნოზაძე, ნოდარ ჯანგირაშვილი, გია ქარსელაძე...

სამარადისო დიდება მათ სახელს! ეს ლოზუნგი გასდევდა ღონისძიებას, რომელიც გაიმართა აფხაზეთის №1 საჯარო სკოლის VII კლასში (ხელმძღვანელი – **თინა ჯღარკავა**). განსაკუთრებული აღნიშვნის ღირსია ქალბატონ **თინა ჯღარკავას** მოღვაწეობა და პატრიოტული საქმიანობა სკოლა-



ში. ის უსაზღვროდ შეყვარებულია მომავალ თაობაზე.

მოსწავლეებმა წარმოადგინეს ტყვილიანი დღეები. წარმოადგინეს, რადგან მათ ამ ტრაგედიის შესახებ მხოლოდ ნაუკითხავო, მხოლოდ გადმოცემით იციან. დაღუპულთა სურათებს სანთლები დაუნთეს, ლექსები წაუკითხეს; ესაუბრებოდნენ ისე, როგორც ცოცხალ ადამიანებს.

გრძნობით ნაკითხულმა ლექსებმა ტყვილიან დაახლოვა და ცრემლები მოჰგვარა მათს. საღამოს განსაკუთრებული ელფერი შესძინა ამავე კლასის მოსწავლის,

**რენალო ქირიას** მიერ ნაკითხულმა საკუთარმა ლექსმა, რომელშიც ნათლად იყო ნაჩვენები მომიტინგეთა მიზნები, ტრაგედია და შედეგები.

ბოლოს სკოლის მოსწავლეებმა ტრაგედიის სიმბოლო – ტიტები ჩამოურიგეს დარბაზს, ერთმანეთს ხელი ჩაჰკიდეს და „ვაჩუქოთ ერთმანეთს ტიტები“ იმღერეს. განიცადეს, შეიგრძნეს ის, რამაც 9 აპრილის მსხვერპლნი შეკრიბა ერთ მუჭად და საერთო სურვილებით შეაკავშირა. ეს იყო სამშობლო, თავისუფლება!

მთელი კლასი ჩართული იყო საღამოს მო-

სამზადებელ სამუშაოებში. მათ ძალიან დიდი ინტერესით მოიძიეს მასალები და სურათები; შექმნეს კუთხე: „ნეტარ იყვნენ დევნილინი სიმართლისათვის, რამეთუ მათი არს სასუფეველი ცათა.“

ღონისძიებაზე გამოყენებულ იქნა ილია ჭავჭავაძის სიტყვები: „ღმერთმა წყენა გაშროთ, ხოლო იცოდეთ კი, რომ

„სხვისა წყენისა დაკლებით თქვენიცა განჰქარდებიან.“ ღმერთმა ყოველი საქმე კარგად წავიშროთ, ხოლო იცოდეთ კი, რომ საქმეს კარგად წარმართავს მარტო ჭკვიანი გული და გულიანი ჭკუა.

ღმერთმა უმაღლესს ღირსებამდე მიგახწვიანოთ, ხოლო იცოდეთ კი, რომ ყველაზედ უტყუარი ნიშანი უმაღლესის ღირსებისა შურის არქონაა.“

დასასრულს გისურვებთ, ღმერთმა თქვენის ქვეყნის სიყვარული გაგიძლიეროთ და იცოდეთ, რომ „რაც უნდა პატარა იყოს სამშობლო ქვეყანა, პათიოსანს გულში მაინც ყველაზე დიდი ადგილი უჭირავს.“

ასამთ შამუშია

**P. S.** აფხაზეთის №1 საჯარო სკოლას ძალიან დიდ სიორულეებს უქმნიდა ინტერნეტის არარსებობა. წელს დაგეგმილი და ნანატრი ინტერნეტიზაცია აპრილში წარმატებით განხორციელდა. აფხაზეთის დანარჩენ სკოლებს (და არა მხოლოდ მათ), რომელთაც აღნიშნული პრობლემა ჯერაც ვერ მოუგვარებიათ გარკვეული მიზეზებისა გამო, ვუსურვებთ წარმატებებს ამ საკითხთან დაკავშირებით.

# ქართულ-ამერიკული გაკვეთილი - უფლებათა ცისარტყელა



10 აპრილს, თბილისის 39-ე საჯარო სკოლაში (დირექტორი მარინა დავითაია), ჩატარდა ინტეგრირებული, საჩვენებელი გაკვეთილი სამოქალაქო განათლების საერთაშორისო გაცვლითი პროგრამის „მოზაიკა II“ ფარგლებში. როგორც ვიცით, რამდენიმე წელია, სეიჯის კოლეჯებისა და საქართველოს მასწავლებელთა და მეცნიერთა თავისუფალი პროფესიონალთა ერთობლივი პროექტი ამოქმედდა. გაკვეთილი კომბინირებული იყო და მასში მონაწილეობდნენ ქართველ-ამერიკელი პედაგოგები: თბილისის №39 სკოლის გეოგრაფის - ნანა ფერაძე და ისტორიის - ნინო ტურაშვილი, ასევე, ნიუ-იორკის მასწავლებლები: დებორა ფოგარტი და რობინ კოვატი.

უცხოელ პედაგოგთა ვიზრო სპეციალობა მშობელთა ურთიერთობების მონესრიგება, დაცვა, საკონსტიტუციო სამართალი, საზოგადოებასთან ურთიერთობის შემსწავლელი დისციპლინებია. დებორა ფოგარტი და რობინ კოვატი საქართველოს ესტუმრნენ სამოქალაქო სწავლების შესახებ შეხვედრებისა და მოსაზრებების შესწავლის, გამოცდილების გაზიარების, სიახლეების დანერგვისა და მეტოდური დახმარების კვლევის მიზნით.

**დებორა ფოგარტი:** „ვასწავლი სოციალურ მეცნიერებებს ფრანსის ლევისის უმაღლეს სკოლაში, ქვინსში, ნიუ-იორკი. ბუნებით სამართლიანი ვარ და სოციალური უფლებების დამცველი. ჩემი უფლება (კურსი) ადამიანთა სიყვარულითაა გაჯერებული. იქნებ ამიტომაც გახლდით პროფესიული კავშირის შეერთებული შტატების მშრომელთა განყოფილების იურიდიული წარმომადგენელი, ადვოკატი“.

**რობინ კოვატი:** „ვასწავლი სამართალსა და კვლევას შიპსედ დეის უმაღლეს სკოლაში, ბრუკლინში, ნიუ-იორკი. იქ ეთნიკურად, რასობრივად, სოციალურ-ეკონომიკურად განსხვავებული 2500 სტუდენტი სწავლობს. მათი ასაკი 13-დან 21 წლამდეა, უმრავლესობა 14-18 წლისაა. მე მათ მსოფლიო ისტორიას ამერიკის ისტორიასთან ერთად ვასწავლი, ასევე - მართვასა და საზოგადოების შემსწავლელი დისციპლინებს“.

„უფლებათა ცისარტყელა“ - გაკვეთილი ორი ეტაპისგან შედგებოდა. პირველი 45 წუთი მასპინძლებს დაეთმო - სკოლიდან სამოქალაქო საზოგადოებამდე - ეს იყო თემა, რომელიც VIII კლასის 33 მოსწავლისა და სკოლის თვითმმართველობის ჩართულობით წარმოჩნდა.

VIII-XII კლასების მოსწავლეებმა თავისუფლად გაართვეს თავი ადამიანთა უფლებებისა და თავისუფლებების ურთულეს საკითხებს პრეისტორიულ სინამდვილესა თუ რეალურ ყოფაში, გეოგრაფიულ, პოლიტიკურ სივრცესა თუ ლიტერატურულ-კულტურულ სამყაროში. ჯგუფური მუშაობა საინტერესოდ წარიმართა. იყო პრეზენტაციები, დებატები, დასკვნები. განიხილებოდა კონვენციის ოთხი პრინციპი, იუნესკოსა და გაეროს ბავშვთა ფონდის საქმიანობა, ნატოსა და საქართველოს ურთიერთობები, ჩრდილოატლანტიკური ხელშეკრულება, ჰუმანიტარული ჩარევისა და შეიარაღებული კონფლიქტების თემა. მწვავედ და აქტიურად დაისვა საკითხი, რას მოუტანს საქართველოს ნატოში გაერთიანება.

გაკვეთილი დასრულდა პოლემიკური კითხვით: რომელ საერთაშორისო ორგანიზაციას მივმართოთ ჩვენი ქვეყნის პრობლემების გადასაჭრელად?

მოსწავლეებმა მოამზადეს მიმართვის ტექსტი გაეროსადმი, რომელსაც ორივე ჯგუფი აწერდა ხელს.

გაკვეთილის მეორე ნაწილი პრაქტიკული სამუშაო-თი და წინასწარ მომზადებული ინფორმაციული მასალით იყო გაჯერებული. თემა ეხებოდა ქართველთა და ამერიკელთა თვალთახედვით მოქალაქეობის ცნების გაგებასა და აღქმას, გააზრებასა და განცდას. ამერიკელი სტუდენტების მიერ შექმნილი ესეების გათვალისწინებით (რომელიც მოსწავლეებს ინდივიდუალურად დაურიგდათ) გაიმართა დებატები ჯგუფებს შორის შემდეგ საკითხებზე:

ა) როგორც მოქალაქეს, შეგიძლიათ თუ არა საქართველოში გახდეთ ის, ვისაც თქვენ ისურვებდით?

ბ) როგორ გესმით მოქალაქის პასუხისმგებლობა?

გ) რას გულისხმობს საქართველოში მოქალაქის უფლებების შესატყვისი პრივილეგიები?

ჩვენმა მოზარდებმა საკმაოდ საინტერესოდ გაშალეს თემა, პრობლემურ საკითხებს არ შეუშინდნენ და აბსოლუტური გულწრფელობით აღიარეს, სამშობლო მათთვის მამულია და ყველაზე დიდი განძი. თუ ამერიკის მოქალაქეობა ნიშნავს, იცხოვრო ოცნებით (როგორც ეს თეზისებში ეწერა), ჩვენი ქვეყნის მოქალაქეობა არაფრითაა ნაკლები და მეტიც, შრომა და ღვაწლი გიხდენს ოცნებებს და არა აქვს მნიშვნელობა სად დაიბადები.

უცხოელი პედაგოგები კმაყოფილი დარჩნენ მწვავე დისკუსიითა და მოზარდთა შემართებით. სკოლის დირექციასა და მასწავლებლებს მოუწინეს მოსწავლეთა სამოქალაქო აზროვნება და გამოთხოვებისას, გამოცდილების გაზიარების მიზნით, დაპირდნენ უცხოეთში მინვევას.

თამარ პარისაშვილი



# ლეონდარული კაპიტნის ხსოვნისადმი მიძღვნილი ტურნირი



1998-1999 წლიანები | ადგილზე გასული გუნდი



2000-2001 წლიანები | ადგილზე გასული გუნდი



კასანის რაიონის სოფელ ფარის ქართული სკოლის საფეხბურთო გუნდი

დედაქალაქის 57-ე საჯარო სკოლის კეთილმოწყობილ ხელოვნურ-საფარიან მოედანზე თბილისის „დინამოს“ ლეონდარული კაპიტნის, შოთა იამანიძის ხსოვნისადმი მიძღვნილი ტურნირი გაიმართა.

„თბილისის „დინამოს“ პირველი ოქროს კაპიტანი“, „გვახსოვხარ, კაპიტანო!“, „ფეხბურთის კეთილმოხილი რაინდი“, „დიდი კაპიტანი“ – ამ ეპითეტებით მოიხსენიებდნენ იმ დღეს მართლაც დიდ ფეხბურთელს, ვარსკვლავების კაპიტანს.

ბავშვთა საფეხბურთო ტურნირი ორ ასაკობრივ ჯგუფში გაიმართა (1998-1999 წლებში და 2000-2001 წლებში დაზღვეულნი). ტურნირი მასპინძლებმა მოიგეს, რაც სავსებით ლოგიკურია – ისინი ხომ სახელგანთქმული „ნორჩი დინამოელის“ საფეხბურთო სკოლის წარმომადგენლები არიან ვაკეში.

ტურნირს განსაკუთრებული ელფერი შესძინა კასპის რაიონის სოფელ ფარის ქართული სკოლის აზერბაიჯანელ მოსწავლეთა საფეხბურთო გუნდის მონაწილეობამ. როგორც ვაკე, ისინი დედაქალაქში გამართულ საფეხბურთო ტურნირში მონაწილეობაზე დიდი ხანია ოცნებობენ. ამ ორი სკოლის დირექტორების – იოსებ ხუციშვილისა და შახალი ისმაილოვის პირადი ნაცნობობით ეს შეხვედრა შედგა. აღსანიშნავია, რომ ფინალამდე სტუმრებმა ყველა თამაში მოიგეს. ფინალში კი, როგორც აღვნიშნეთ, 57-ე სკოლელებმა სძლიეს.

ასპარეზობის გამორჩეულ მონაწილეებს საქართველოს ფეხბურთის ფედერაციის ვეტერანთა ფონდის თავმჯდომარის, ბატონ ვაჟა ფანაძის დაწესებული პრიზები შოთა იამანიძის ოჯახის წევრებმა და თანაკლუბელებმა გადასცეს. პრი-

- ზები გადაეცათ:
- 2000-2001 წლიანი დაბადებულიებს:
1. საუკეთესო მეკარე – ზურაბ ხეთაგურს;
  2. საუკეთესო ბომბარდირი – ნიკა ძეგნიაურს (12 ბურთი);
  3. საუკეთესო ფეხბურთელი – გიორგი ომაძეს.
- 1998-1999 წლიანი დაბადებულიებს:
1. საუკეთესო მეკარე – ნიკოლოზ ისაკაძეს;
  2. საუკეთესო ბომბარდირი – ფაზილ რამაზოლის (18 ბურთი);
  3. საუკეთესო ფეხბურთელი – რეზო ომაძეს.

გადანყვებელი გვაქვს, მომავალში სხვა სახელგანთქმული ფეხბურთელების სახელობის ტურნირების გამართვა. გვინდა მივმართოთ დედაქალაქის საჯარო სკოლებს, დავიკავშიროდნენ, რათა შაბათ-კვირას ამხანაგური, სამეგობრო ტურნირები მოვანაწყოთ მათთან ან ჩვენთან, ვაკეში. ეს ხელს შეუწყობს არა მარტო სპორტის ამ სახეობის განვითარებას, არამედ სკოლების, ერთი თაობის ახალგაზრდების დამეგობრებას, რაც არანაკლებ მნიშვნელოვანია.

უახლოეს მომავალში, სკოლაში, მკლავჭიდის სექცია გაიხსნება, ასევე, არსებობს შესაბამისი ბაზა ქართული ჭიდაობის სკოლის ჩამოსაყალიბებლად. ამ საქმეში სპორტის დეპარტამენტის და ქართული ჭიდაობის ფედერაციის აქტიურ დახმარებას ველოთ.

### მხატვან ბატონიძე

თბილისის №57 საჯარო სკოლის  
ესთეტიკისა და  
სპორტის კათედრის გამგე,  
ტურნირის ორგანიზატორი და მსახვი

## ჭანტურიას ბარსელონური დუბლი

ესპანეთის ჩემპიონატის ლიდერ „ბარსელონაში“ სტაჟირებაზე მყოფი გიორგი ჭანტურია აგრძელებს წარმატებულ გამოსვლას და იქაურ მწვრთნელთა გაცემას. გასული კვირის ბოლოს „ბარსელონამ“ სარაგოსაში 17-წლამდელთა ოთხთა ტურნირში ითამაშა, სადაც მისი და მასპინძლების გარდა, მადრიდული გიგანტების – „რეალისა“ და „ატლეტიკოს“ ამ ასაკის გუნდებიც გამოდიოდნენ. ბარსელონელები თავდაპირველად „ატლეტიკოს“ შეხვე-

დნ და 5:2 იმარჯვეს, რაშიც დიდი წვლილი ქართველმა თავდამსხმელმა შეიტანა – მან დუბლი იმ დროს შეასრულა, როცა მისი გუნდი 0:1 აგებდა.

ამ გამარჯვებით „ბარსელონა“ ფინალში გავიდა, სადაც მასპინძლებს 3:1 მოუგო. მართალია, ამ შეხვედრაში ჩვენებურს გოლი არ გაუტანია, მაგრამ კარგი თამაშით მწვრთნელებისგან საგანგებო ქება დაიმსახურა.

## მოფარიკავეები მსოფლიო პირველობაზე

ამ უქმებზე ახალგაზრდა მოფარიკავეებმა ბრიტანეთში, ჩრდილო ირლანდიურ ბელფასტში მსოფლიო პირველობაში იასპარეზეს, თუმცა მედლებს ვერ შესწვდნენ. ქართული ფარიკაობის დღევანდელი მსოფლიო ჩემპიონი და მათგან მედლებს არც ელოდნენ – ფარიკაობა ხომ ჩვენში ახლა იწყებს აღორძინებას და ამ ბავშვებსაც მომავლის იმედად მიიჩნევენ.

ჭაბუკთა ტურნირში ბიჭებში სამი ქართველი მონაწილეობდა და პლეი ოფშიც სამივე გავიდა, თუმცა იქ პირველივე წრეში დამარცხდნენ. ყველაზე უკეთ ლაშა მიქელაძე გამოვიდა, რომელმაც ქვეჯგუფში 3 შეხვედრა მოიგო და საკვალიფიკაციო ტურნირიც ჩვენთვის არცთუ ურიგო ადგილზე დაასრულა – 37-ე

68 მონაწილეს შორის. 3 მოგებით 48-ზე გავიდა მიხეილ მარდალეიშვილი, ალექსანდრე ბაზაძემ კი ყველა შეხვედრა ნააგო, თუმცა დაგროვილი ქულებით მაინც გავიდა პლეი ოფში.

აქ გოგონებში ერთადერთი მონაწილე გვყავდა – თეოდორა კიკიაძე, რომელმაც 1 მოგებით დაასრულა ჩემპიონატი.

ორიოდ დღეში ჩვენი ბიჭების ტრიოდან ორი – ალექსანდრე ბაზაძე და ლაშა მიქელაძე ახალგაზრდულ ტურნირშიც ჩაებნენ, მარდალეიშვილი კი ბექა ბაზაძემ შეცვალა. აქ ჩვენები შედარებით უკეთ გამოვიდნენ, თუმცა მედლებს მაინც ვერ შესწვდნენ. ბექა ბაზაძემ ჯგუფურ ეტაპზე ძალზე კარგად იფარიკავეა – 6-დან 4 შეხვედრა მოიგო და პირველ ადგილზე გავიდა, მაგრამ საკვალიფიკაციო ჩათვლაში 37-ე ადგილს მაინც ვერ ასცდა. მიქელაძე 4 მოგებით ჯგუფში მეორე, რეიტინგში კი 41-ე ადგილზე გავიდა, ალექსანდრე ბაზაძის მონაგარი კი 2 მოგება და 51-ე ადგილი იყო 96 მონაწილეს შორის.

პლეი ოფში სამივე ჩვენებური გავიდა, სადაც მოულოდნელი რამ მოხდა – მეტოქე არც ერთს არ გამოუცხადდა და მეორე ეტაპზე სამივე გავიდა, აი, იქ კი ყველამ ნააგო.

აქ გოგონებში თათია აფციაურმა ჯგუფში ორი შეხვედრა მოიგო და შესარჩევი 54-ე ადგილზე დაას-

რულა, კიკიაძე კი ყველა შეხვედრა ნააგო და ვერც პლეი ოფში მოხვდა. რაც შეეხება აფციაურს, პლეი ოფში პირველივე წრეში დამარცხდა.

### 14 ევროპული მედალი

ლიტვის ქალაქ შიაულიაში დასრულებულ ევროპის ჩემპიონატში ქართველმა ჭაბუკებმა და ახალგაზრდებმა 14 სხვადასხვა სინჯის მედალი მოიპოვეს.

ახალგაზრდებმა 2-2 ოქრო და 4 ბრინჯაო მოიპოვეს, გუნდურში კი მეორეზე გავიდნენ. ამ ასაკში ჩემპიონები გორელი ნოდარ კუდუხაშვილი (82) და ქუთაისელი ლაშა გურული (90) გახდნენ, ვერცხლის მედლები კი ფოთელმა ვაჟა ლატარიაშვილმა (52) და თბილისელმა ლევან ნახუციანიშვილმა (68) მოიპოვეს. მესამეზე კასპელი გიორგი გეჯაძე (48), ფოთელი ბექა ბუცხრიკიძე (57), გორელი გიორგი ბოლოთაშვილი (100) და ქუთაისელი დავით ბოჭორიშვილი (მძიმე) გავიდნენ.

ჭაბუკების მონაგარი თითო ოქრო-ვერცხლი, 4 ბრინჯაო და გუნდური მესამე ადგილია. ჩემპიონი გარდაბნელი არჩილ შინჯიკაშვილი (87) გახდა, ვერცხლი გორელმა გოჩა ვარძელაშვილმა (60) ირგუნა, ბრინჯაოებს კი ფოთელი გივი ნადირაშვილი (48), ქუთაისელი გენადი ჩირგაძე (52), გორელი ზვიად კაპანაძე (75) და საგარეჯოელი იაგო მესტირიშვილი (81) დაეუფლნენ.

## დებიუტი გუნდისლიგაში



როგორც იქნა, ხანგრძლივი ტრავმების შემდეგ, 18 წლის ფეხბურთელ ლევან ყენიას ბუნდესლიგაში დებიუტი ედრისა. გელზერ-კირხენის „შალკეს“ თავდამსხმელს, კოჭის ტრავმის გამო, წლევანდელი სეზონი, პრაქტიკულად, გაუცდა და ტრავმის გამო ვერც ეროვნულ ნაკრებს დაეხმარა კვიპროსთან და ჩერნოგორიასთან მატჩებში. ტრავმის მიზეზით გადაიდო მისი დებიუტი გერმანიის უმაღლეს ლიგაშიც, თუმცა შაბათს, მწვრთნელმა მიხაელ ბუსკენსმა „კარლსრუესთან“ შეხვედრაში ბოლო 5 წუთი ათამაშა. ამ დროს გელზერკირხენელები 2:0 იგებდნენ და დებიუტანტის მოედანზე შემვებით არაფერს კარგავდნენ. ბუსკენსმაც შანსი მისცა ჩვენებურს და ქართული ფეხბურთიც ერთი საამაყო ფაქტით გაამდიდრა.

ირაკლი თავაძე



**ახალი  
ტანათლება**

მთავარი რედაქტორი:  
მარიკა ჩიქოვანი

მისამართი: ტაბატაშვილის №3 ტელ.: 95-80-23, 890 958023, 855 411668, 855 178027.  
E-mail: axaliganatleba@gmail.com, ganatleba@mail.ru

რეგისტრაციის № 2/4-1609, ინფორმაციის ხელმოწერისთვის: 76096  
გაზეთი რეგისტრირებულია დიდუბის რაიონის სასამართლოს მიერ.

რედაქციაში შემოსული ხელნაწერები არ რეცენზირდება და ავტორებს არ უპრუდდებათ.

რედაქციის რეკვიზიტები:  
საპარტოპოლო ბანკი  
ზ/კ 220101502,  
ს/კ 202058735,  
ა/ა 123631000